

廣篋中詞

龍沐勛署



廣篋中詞目錄卷二

黃人二首

陳瀚一首

譚獻十一首

張預一首

成肇慶二首

鄭文焯十二首

麥孟華二首

王鵬運十二首

况周頤七首

沈維賢二首

繆荃孫一首

秦樹聲一首

陳慶森一首

金兆豐一首

馮开四首

孫佑培一首

徐宗亮一首

錢錫棠一首

程霖壽一首

張上猷五首

李宗禕一首

桑靈直一首

裴維俊二首

蔣廷黻一首

徐致章一首

江逢辰一首

朱啓連二首

張祥齡五首

張仲炘五首

楊調元一首

余嵩慶一首

張丙廉一首

王嘉詵三首

曹元忠三首

曾傳均一首

劉毓盤三首

龐樹柏一首

莊寶樹一首

王以敏二首

汪述祖一首

桂赤一首

王蔭昌一首

康有爲一首

姚紹書一首

吳昌綬一首

孫人和一首

惲毓珂三首

劉福姚八首

徐珂四首

劉恩黻二首

洪汝冲四首

蔣兆蘭一首

胡延二首

曾習經五首

張祖廉一首

沈宗畸二首

魏穉一首

王景沂二首

陳昭常 三首

李岳瑞 六首

卓孝復 一首

沈曾植 三首

何震彝 一首

陽顛 二首

沈澤棠 三首

羅惇勳 一首

梁啓超 三首

陳銳 三首

譚恩闓 一首

王允哲 四首

程霽 一首

陳衡恪 一首

俞安鳳 三首

王式通 一首

廖仲愷 二首

汪兆銓 三首

姚華 一首

章華 二首

姚鵬圖 一首

皮錫瑞 一首

楊增華 二首

蒯光典 一首

葉玉森 五首

徐樹錚 三首

程頌萬 五首

朱祖謀 二十首

周慶雲 四首

潘飛聲 三首

潘承謀 一首

吳曾源 一首

成本璞 一首

高旭 二首

周維華 一首

嚴復 三首

董受祺 二首

王乃徵 一首

張錫麟 一首

陳毅 二首

廣篋中詞卷二

番禺葉恭綽纂錄

黃 人摩西摩西詞

原名孫元號慕軒 昭文人

南歌子 山塘卽事

柳黛銷還展。荷衣澣更香。蘭舟先趁木犀黃。不信玉人遲暮轉清狂。歌透羅雲軟。情隨帶水長。黃昏涼意喚飛觴。親點九華燈。火補殘陽。妙不說盡

風流子 城西見楊柳

西風添旅感。尋秋去。信步出胥關。看夾道垂楊。悄無生意。絲多仍擾絮。去無還。空移得章臺千萬樹。畢竟託根難。暗蘼飛塵亂。

牽衰草不知搖落。尚賭眉彎。涼蟬淒如語。道金銷翠減。愁緒難刪。從此流鶯情薄。繫馬游關。只瘦蝶憐伊。奈何頻喚。離筵送客。攀折更番。莫把當初眉樣。做與人看。

陳 瀚裕楣劍閒齋詞

燕山亭 雲秋恢元客遊浙西久未得書旅窗暮雨愁思黯然為賦孤雁

隻影離羣。迢遙萬里。無奈淒涼雲樹。顧影伶俜。遲下寒塘。恁是哀吟暮雨。相喚輕呼。誤幾回關山低度。非誤。記何處分飛。待探前路。苦憶伴侶。今宵怕不是空江。蘆花深處。吳山越水相望。怎生飛鳴無據。寫不成行。也為我寄將愁去。休訴。正滿目寒江烟霧。

譚 獻仲修復堂詞

蝶戀花

樓外啼鶯依碧樹。一片天風。吹折柔條去。玉枕醒來追夢語。中門便是長亭路。眼底芳春看已暮。罷了新妝。祇是鸞羞舞。慘綠衣裳年幾許。爭禁風日爭禁雨。

下馬門前人似玉。一聽斑駁。便倚闌干曲。乍見迴身蛾黛蹙。泥他絮語憐幽獨。燕子飛來銀蒜觸。卻怕窺簾。推整羅裙幅。語在修眉成在目。無端紅淚雙雙落。

抹麗柔鄉新欲破。為卜團圓。暗數盈盈朶。睡起鬢邊低漸墮。鏡前細整留人坐。却換羅衣憐汗顆。不喚紅兒。自啓葳蕤鎖。一

握髮雲梳復裹半庭殘日。愔愔過

帳裏迷離香似霧。不燼爐灰。酒醒聞餘語。連理枝頭儂與汝。千

花百草從渠許。蓮子青青心獨苦。一唱將離。日日風兼雨。豆

蔻香殘楊柳暮。當時人面無尋處。

庭院深深人悄悄。埋怨鸚哥。錯報韋郎到。壓鬢釵梁金鳳小。低

頭只是閒煩惱。花發江南年正少。紅袖高樓。爭抵還鄉好。遮

斷行人西去道。輕軀願化車前草。

玉頰妝臺人道瘦。一日風塵。一日同禁受。獨掩疏櫺如病酒。卷

簾又是黃昏後。六曲屏前攜素手。戲說分襟。真遣分襟驟。書

札平安知信否。夢中顏色渾非舊。正中六一之遺

金縷曲 江干待發

又指離亭樹。恁春來消除愁病。鬢絲非故。草綠天涯。渾未徧。誰

道王孫遲莫。腸斷是空樓微雨。雲水荒荒人草草。聽林禽祇作

傷心語。行不得。總難住。今朝滯我江頭路。近蓬窗岸花自發。

向人低舞。裙衩芙蓉零落盡。逝水流年輕負。漸慣了單寒羈旅。

信是窮途文字賤。悔才華卻受風塵誤。留不得。便須去。如此方可云清

空不質實

一萼紅 吳山

黯愁煙。看青青一片。猶誤認眉山。花發樓頭。絮飛陌上。春色還

似當年。翠苔畔。曾容醉臥。聽語笑。風動畫秋千。一曲琴絲。十三

箏柱原是人閒。細數總成殘夢。歎都迷蹤跡。只有留連。劫換
 紅羊。巢空紫燕。重來步步回旋。儘消受雲飛雨散。化胡蝶猶繞
 舊闌干。不分中年到時。直恁荒寒。

西河用美成金陵詞韻題甘劍侯江上春歸圖

江上地。長亭草樹猶記。夢回故國。渺鄉心。斷鴻喚起。萬方一概
 聽。笳聲。煙波來去無際。耿長劍。何處倚。楊枝渡口船繫。烏衣
 巷畔有春風。晚蘆故壘。倒吹淚。點上征衣。知侬江水。淮水。女
 牆夜月過小市。照飛蓬歸來千里。往事幾回塵世。只龍蟠虎踞。
 山形依舊。還枕滔滔寒流裏。

渡江雲 大觀亭同陽湖趙敬甫江夏鄭贊侯

大江流。日。夜。空。亭。浪。捲。千。里。起。悲。心。問。華。華。不。語。幾。處。輕。寒。恁
 處好登臨。春旛顛裏。憐舊時人面難尋。渾不似。故山顏色。鷺燕
 共沈吟。消沈。六朝裙屐。百戰旌旗。付漁樵高枕。何處有藏鴉
 細柳繫馬。平林釣磯。我亦垂綸手。看斷雲飛過荒潯。天未暮。曠
 卉只是陰陰。曲而有直體

桂枝香 秦淮感舊

瑤流自碧。便作就可憐。如許秋色。祇是煙籠水冷。後庭歌歇。簾
 波澹處留人景。鼻西風數聲長笛。綵旗船舫。華燈鼓吹。無復消
 息。念舊事沈吟省識。問曾照當年。惟有明月。拾翠汀洲。密意
 總成蕭瑟。秦淮萬古多情水。奈而今秋燕如客。望中何限斜陽。

衰草大江南北

仲修先生承常州派之緒力尊詞體上溯風騷詞之門庭緣是益廓遂開近三十年之風尚論清詞者當在不祧之列

張預子虞量月樓詞初存

高陽臺宜南春暮雨聲咽宵遣悶拈此和同年樊茗廉韻

夢雨簾深流煙燈淺沈沈銷盡爐熏今夜江南又添幾尺潮痕
當時短檠蘭皋外恁張帆催渡江雲太恩恩指上鸞簫掌上螺
樽天涯容易東風老問別來花信誰管寒溫門外香車麟麟
猶碾宵塵夢兒待逐雙輪去怕相逢祇益銷魂最難忘聽雨闌
干煙夕芳春

成肇慶肇慶漱泉詞

南歌子

天上璫扉冷人間玉簫秋燕歸如客且遲留好共亂山堆裏一
登樓宿酒醒猶困疏香澹不收離懷判得寄東流可奈露莎
煙芰向人愁

夜飛鵲寒雅

飄塵蕩無際寒訊催歸天末幾度徘徊黃昏漸近向何處餘溫
還戀沈暉江湖漫尋倦侶但沙填殘戍雪壓平陂飄零數點背
遙碁欲逝仍迴為問舊巢安在終古此衰楊髡盡千絲不信
人間曾有芳蕤暎絮相伴棲遲玉關心事縱荒涼忍便成灰且
空山韜影微霜斂羽留待春來

鄭文焯叔問樵風樂府補詞

玉樓春

梅花過了仍風雨。著意傷春天不許。西園詞酒去年同。別是一番惆悵處。一枝照水渾無語。日見花飛隨水去。斷紅還逐晚潮回。相映枝頭紅更苦。

玲瓏四犯

壬辰中秋。翫月西園。中夕再起。引侍兒阿憐。露坐池闌。歌白石道人玲瓏雙調曲。度鐵洞簫。繞廊長吟。鳴鶴相應。夜色空寒。花

葉照地。顧景淒獨。依依殆不能去。遂做姜詞舊譜製此。明日示子苾。以為有新亭之悲也。宋譜雙調煞聲。以中呂上字為夾鍾商。按詞原律呂四犯。

為夾鍾商犯夷則羽。為仙呂調。亦中呂上字住。商犯角。為夾鍾閏角。歸本宮。為夾鍾宮。即中呂宮調也。周清真所歌。別是大石調一曲。梅谿草窗並效。

其體與此不同。近世詞人樂工。莫達斯旨矣。

竹響露寒。花凝雲澹。淒涼今夜如此。五湖人不見。故國空文綺。

歌殘月明滿地。拍危闌寸心千里。一點秋檠兩行新雁。知我倚

樓意。參差玉生涼吹。想霓裳譜徧天上清異。鏡波宮殿影。桂

老西風裏。攜槃夜出長門冷。漸銷盡銅仙鉛淚。愁夢寄花陰。見

低鬟拜起。清迥高華。脫胎白石。

謁金門

煙浪惡。花滿海山樓閣。遼鶴無書雲漠漠。故宮春夢薄。莫惜

舞人零落。長袖為君重著。墮地鸞釵成密約。捧觴千日樂。

月下笛戊戌八月十三日宿王御史宅夜雨聞鄰笛感音而作和石帚

月滿層城。秋聲變了亂山飛雨。哀鴻怨語。自書空背人去。危闌

不為傷高倚。但腸斷衰楊幾縷。怪玉梯霧冷。瑤臺霜悄。錯認仙

路。延佇銷魂處。早漏洩幽盟。隔簾鸚鵡。殘花過影。鏡中情事
如許。西風一夜驚庭綠。問天上人間見否。漏譙斷。又夢聞孤管。
暗向誰度。感事
沈吟

謁金門

行不得。蹴地衰楊愁折。霜裂馬聲寒特特。雁飛關月黑。目斷
浮雲西北。不忍思君顏色。昨日主人今日客。青山非故國。沈
痛

燕山亭

題自畫薊門秋柳圖

衰柳空城。羌笛數聲。溼了樓臺煙雨。珠箔四垂。客燕迷歸。棲老
綠陰無主。弱不禁攀。更愁唱陽關西去。凝佇。賸舊苑歌塵。暗飄
金縷。還記驕馬章臺。正花拂長堤。麴波隨步。而今莫問。解舞

腰肢。淒涼故宮誰妒。便喚春回。忍再見倚簾吹絮。歧路。腸斷也
一絲絲苦。

瑞龍吟

哀碧先生和清真是閱見示懷古傷春高健處不減耆卿風格繼
聲報之

西橋路。還認故苑飄花。小城敵樹。悽悽江國年芳。怨紅淚粉。魂
銷甚處。悄延佇。休念舊狂清事。鏤香題戶。悲來一曲回風。滿
汀墮蕙。零絃自語。空度春光流景。引杯看劍。愁多慵舞。腸斷
庾郎哀吟。知爲誰故。推煙唾月。何用驚人句。傷心見新亭老淚。
臨江遺步。轉燭繁華去。酒醒自理。悲歡墜緒。年鬢催霜縷。歸夢
繞。沉沉荒臺雲雨。楚天恨隔。夕陽飛絮。
安公子

急雨驚鳴瓦。轉檐風葉紛如灑。閉戶青山飛不去。對滄洲屏畫。
 換眼底衰紅敗翠。供愁寫。窺冷檠半落吟邊地。正酒醒無寐。悵
 悵京書題罷。到此沈沈夜。為誰清淚如鉛瀉。夢想銅駝歌哭
 地。送西園車馬。歎去後闌干一霎。花開謝。空怨啼望帝春魂化。
 算歲寒南鶴。解道堯年舊話。

拜星月慢 秋夜聞笛和清真

潤逼煙紗涼添山枕。待月簾陰竹暗。笛語飄來。隔燈痕鄰院。悵
 流景漸覺銀牀玉簟疏冷。露葉霜花明爛。照水秋魂繞空廊誰
 見。鏡屏中尚識吳娘面。無人唱暮雨清尊畔。莫問翠冶紅驕。
 總行雲催散。燕重來寂寞西風館。年華淚錦瑟聞長歎。但夢地

百轉飄輪。觸回腸欲斷。火逼美成

六醜 芙蓉謝後作

又年芳催老。悄立徧闌干危碧。怨花後期。無言花暗泣。斃地誰
 惜。更灑黃昏雨。水環風佩數斷紅消息。羅裳自染秋江色。繡帳
 纔遮珠茵旋積。盈盈怎堪拳摘。只輕朱薄粉。愁上簪幘。西園
 霜夕。照清池宴席。步綺凌波地。成往迹。尊前換盡吟客。縱仙城
 夢見玉顏非昔。釵鈿墜似曾相識。終不向一鏡東風媚晚。鬢邊
 狼藉。飄零恨獨在江國。怕舊題錦段重重淚。無人贈得。

慶春宮 同羈夜集秋晚敘意

霜月流階。蕪煙銜苑。戍笳愁度嚴城。殘雁關山。寒蛩庭戶。斷腸

今夜同聽繞闌危步萬葉戰風濤自驚悲秋身世翻羨垂楊猶
解先零行歌去國心情寶劍淒涼淚燭縱橫臨老中原驚塵
滿目朔風都作邊聲夢沈雲海柰寂寞魚龍未醒傷心詞客如

此江南哀斷無名長歌當哭

永遇樂春夜夢落梅感憶因題

江驛迢迢片時枕上春事如許亂插晴霄低橫野水悽斷東風
主枝南枝北眼看搖落不為翠禽啼住攬遺芳瑤瑰滿抱覺來
頓成今古虛堂酒醒傾城消息誤盡故山風雨玉砌雕闌傷
心還見繫馬郊園樹人間空有曉寒一曲誰信隔紗煙語恁淒
涼南樓夜笛送春舊處故國之思

叔問先生沈酣百家擷芳漱潤一寓于詞故格調獨高聲采
超異卓然為一代作家讀者知人論世方益見其詞之工

麥孟華孺博蛻庵詞

蝶戀花

珠幌春星和夢數夢不分明便上斑驩去芳草何曾遮得住尊
前便是天涯路不怨玉容成閒阻只怕春深容易花遲暮送
淚流波嗚咽語斷紅珍重相思句

解連環酬任公用夢窗留別石帚韻

旅懷千結數征鴻過盡暮雲無極怪斷腸芳草萋萋卻綠到天
涯釀成春色儘有輕陰未應恨浮雲西北只鸞釵密約鳳屐舊
塵夢回悽憶年華逝波漸擲歎蓬山路阻烏盼頭白近夕陽

處處啼鶻。更剗地亂紅。暗簾愁碧。怨葉相思。待題付西流潮汐。
怕春波載愁不去。恁生見得。感遇哀時之作

王鵬運佑霞半塘定稿補詞

念奴嬌 登陽臺山絕頂望明陵

登臨縱目。對川原繡錯。如接襟袖。指點十三陵樹影。天壽低迷
如阜。一霎滄桑。四山風雨。王氣銷沈久。濤生金粟。老松疑作龍
吼。惟有沙草微茫。白狼終古。滾滾邊牆走。野老也知人世換。
尙說山靈呵守。平楚蒼涼。亂雲合沓。欲醉無多酒。出山回望夕
陽猶戀高岫。

滿江紅 送安曉峯侍御謫戍軍臺

荷到長戈。已禦盡九關魑魅。尙記得。悲歌請劍。更闌相視。慘淡
烽煙邊塞月。蹉跎冰雪孤臣淚。算名成終竟負初心。如何是。
天難問。憂無己。真御史。奇男子。只我懷抑塞。媿君欲死。寵辱自
關天下計。榮枯休論人閒世。願無忘。珍惜百年身。君行矣。生氣遠出

御街行

漁洋山人有贈雁詞曹珂雪常和之春宵風雨歸鴻送聲亦儼作一解

小窗夜靜寒生處。嘹唳征鴻度。問誰憐爾苦。隨陽珍重雲羅前
路。春波蒲稗。鷺翹鳧沒。回首應輸與。驚寒往事休重訴。空付
琴邊語。此行定自雁峯回。消息嶺雲安否。江湖滿地得歸儘好
無處無風雨。末三語對此茫茫

三姝媚

四月十日病起偶遇吧村回憶年時吟事甚盛比時好夢難尋孤
游易感不知來者之何如賦寄叔問長洲叔由蕪湖

東園花下路。記盟香年時。倦賡零句。病起心情。洗芳林厭聽。夜來風雨。口到將離。春自老無人為主。蝶鬧蜂喧。遮莫紛紛。總過牆去。杜宇催人休苦。問廢綠迷津。勸歸何處。花影吹笙。敲畫簾空憶。月明前度。那得流光。將恨與。積波東注。目斷停雲靄靄。清琴自語。

三姝媚 次珊讀唐人息夫人不言賦有感於外結舌而內結腸先箝心而後箝口之語賦詞索和聊復繼聲亦盍各之旨也

蘼蕪春思遠。采芳馨愁貽。黛痕深斂。薄命憐花。倚東風羅袖。淚珠偷泣。暝入西園。容易又林禽聲變。那得相思。付與青蘋。自隨篷轉。惆悵羅衾。捫遍便夢隔。懽期舊恩還戀。芳意迴環。認鴛機錦字。斷腸緘怨。縷縷絲絲。拚裏盡香心殘篆。漫想歌翻壁月。

臨春夜滿 總綿往復

綠意 兼復

涼生藻國。正暮雲無際。低映叢碧。欲寄相思。洄溯為勞。商聲似助蕭瑟。平生雅識。江湖味。祇自惜。客帆輕擲。是幾番。弄影迴塘。短鬢。晚花爭白。風景鳧潭最好。小移坐聽。雨驚上新月。斷雁聲中。秋色蒼然。沈恨有誰禁得。詩人不盡離披感。怕水墨圖成。愁絕。乍眼明。蓼際疏紅。點破半汀清寂。

南鄉子

斜月半朧明。凍雨晴時淚未晴。倦倚香篝溫別語。愁聽鸚鵡。催人說四更。此恨拚今生。紅豆無根種不成。數徧屏山多少路。

青青一片煙蕪是去程。

鵲蹋枝和馮正中

斜日危闌凝佇久。問訊花枝。可是年時舊。濃睡朝朝如中酒。誰

憐夢裏人消瘦。香閣簾櫳煙閣柳。片霎氤氳不信尋常有。休

遣歌筵回舞袖。好懷珍重春三後。

沁園春

京島佛祭詩。豔傳千古。八百年來。未有為詞修祀事者。今年辛峯來。度歲倡酬之樂。雅擅一時。因於除夕陳詞以祭。譜此迎神。而以

送神之曲。屬吾弟焉。

詞汝來前。醉汝一杯。汝敬聽之。念百年歌哭。誰知我者。千秋沈

澁。若有人兮。芒角撐腸。清寒入骨。底事窮人。獨坐詩空中。語問

綺情懺否。幾度然疑。玉梅冷綴落枝。似笑我吟魂盪不支。歎

春江花月。競傳宮體。楚山雲雨。枉託微詞。畫虎文章。屠龍事業。

淒絕商歌。入破時長安陌。聽喧闐簫鼓。良夜何其。奇情壯采。

玉樓春

好山不入時人眼。每向人家稀處見。濃青一桁撥雲來。沈恨萬

端如霧散。山靈休笑緣終淺。作計避人今未晚。十年緇盡素

衣塵。雪鬢霜髯塵不染。

金明池

扇子湖荷花

環佩臨風。樓臺寫影。咫尺璇源路近。秋色共湖光無際。疏香背

冷雨暗引。記年年翠陌籠鞭。是幾度神往。菰蘆深隱。算冷眼雲

山。忘機鷗鷺。省識吟邊幽恨。忽漫飛塵驚掠鬢。怕水佩風襟

舊情難問。芳時換。哀蟬曲破。花夢短。野鴛睡穩。裊空煙。複道垂楊望太乙。仙舟歸期難準。賸泣露。欹檠飄零鉛淚。悄共銅仙偷搵。

水龍吟 惠山酌泉

黛眉不點吳娃。淩波獨秀空煙際。疏林霜染。深蹊苔甃。虛堂瀾綺。濺沫跳珠。清聲瀉玉。石鱗荒翠。自憑闌照影。古人不見。閒愁逐輕鷗起。一桁竹鑪煙細。臥聽松箏。瑟淨洗。孤懷誰識。臨風把殘。低徊問水。斜日游船。古陰秋苑。笙歌催醉。喚銅瓶載取。歸來重試。在山泉味。

幼遐先生於詞學獨探本原兼窮蘊奧轉移風會領袖時流吾常戲稱爲桂派先河非過論也彊村翁學詞實受先生引導文道希丈之詞受先生

攻錯處亦正不少清季能爲東坡片玉碧山之詞者吾於先生無閒焉

况周頤夔笙蕙風詞補詞

原名儀避宣統諱改

蘇武慢 寒夜聞角

愁入雲遙。寒禁霜重。紅燭淚深人倦。情高轉抑。思往難回。淒咽不成清變。風際斷時。迢遞天街。但聞更點。枉教人回首。少年絲竹。玉容歌管。憑作去。出百緒淒涼。淒涼惟有花冷。月閒庭院。珠簾繡幕。可有人聽。聽也可。曾腸斷。除卻塞鴻。遮莫城烏。替人驚慣。料南枝明日。應減紅香一半。珠簾繡幕三句乃夔翁所最得意之筆

摸魚兒 蟲

古牆陰夕陽西下。亂蟲蕭颯如雨。西風身世前因在。儘意哀吟

何苦誰念汝。向月滿花香底。用淒涼語。清商細譜。奈金井空寒。
紅樓自遠。不入玉笋柱。閒庭院。清絕卻無塵土。料量長共秋
住。也知玉砌雕闌好。無奈心期先誤。愁謾訴。只落葉空階。未是
消魂處。寒催埃鼓。料馬邑龍堆。黃沙白草。聽汝更酸楚。

祝英臺近 示姬人病新瘳

撫清琴。鑽故紙。相伴鎮憐汝。拂拭盤龍。珍重澹眉嫵。綠窗對影
伶俜。菱苓味好。道都是檀奴心苦。虎山路。料應綠徧垂楊。和
煙萬千縷。是汝鄉關。是我舊游處。恁時重繫蘭橈。紅牙按拍。為
低唱酒邊詞句。

定風波

未問蘭因已惘然。垂楊西北有情天。水月鏡花終幻迹。贏得半
生魂夢與纏綿。戶網游絲。渾是羅被池方錦。豈無緣。為有相
思能駐景。消領逢春。惆悵似當年。

曲玉管 憶虎山舊游

兩槩春柔。重闌夕遠。尊前幾日驚鴻影。不道瓊簫吹徹。淒感平
生。忍伶俜。杳杳蘅皋。茫茫桑海。碧城往事。愁重省。問訊寒山。
可有無限傷情。作去鐘聲。換盡垂楊。只縈損天涯絲鬢。那知
倦後相如。春來苦恨青青。楚腰擊。抵而今。消黯點檢。青衫紅淚。
夕陽衰草。滿目江山。不見傾城。末三句亦所最自賞

西子妝

蛾藥蟬深翠茵蹴淺暗省韶光遲暮斷無情種不能癡替消魂
 亂紅多處飄零信苦只逐水露泥太誤送春歸費粉娥心眼低
 徊香土嬌隨步著意憐花又怕花欲妒莫辭身化作微雲傍
 落英已歌猶駐哀箏似去訴最腸斷紅樓前度戀寒枝昨夢驚
 殘怨字怨斷悽涼意內言外

減字浣溪沙

風雨高樓悄四圍殘燈黏壁淡無輝篆煙猶裏舊屏幃已忍
 寒欺羅袖薄斷無春逐柳絲歸坐深愁極一露衣

夔笙先生與幼遐翁崛起天南各樹旗鼓半塘氣勢宏闊籠罩一切蔚為詞宗蕙風則寄興淵微沈思獨往足稱巨匠各有真價固無庸為之軒輊也茲所采今日題桂垣遠深葉此詞回首生平為之嗚

沈維賢師徐

解連環和夢窗

亂愁如結望長星夜落遠天無極乍喚起圓魄當頭又雲殢雨
 欺驟添寒色茗橋初花未應問淮流南北只湘尊暗泣渺渺素
 波怨絃誰憶鶯梭者番浪擲任飄棉水曲萍撼秋白等桃根
 桃葉來時怕笛裏畫樓黯消金碧海鶴西飛更搖動滄江幽沙
 邊孤舟晚風傍柳怎生繫得

燭影搖紅春曉觀梅感賦和王晉卿

侵曉池塘燒痕纔褪蘆芽淺數枝紅萼正窺人人似秋蓬轉霜
 雪年來乍慣更何心東風顧盼倩魂疎影除是逋仙夢中曾見

無計留連。夢緣能比春宵短。玉龍吹怨鶴南飛。回首孤山遠。
莫是香塵易散。怕相逢桃腮柳眼。爲君留取。三五青圓。綠陰深
院。神似
覺翁。

繆荃孫小山碧香詞

水龍吟桐絲

卷簾惆悵春深。何人繫得春魂住。沈沈庭院。濛濛池館。罷飛青
乳。生怕東風。和雲吹起。乍開還聚。縱飄茵無分。沾泥也好。總不
化萍流去。回憶呼鸞道上。墮斜陽萬紅如雨。無情一例。綠陰
成幄。參天古樹。寂寞唐宮。未逢秋信。已添愁緒。盼棲香小鳳。生
憐墜落。銜歸高處。深
婉。

藝風先生作詞不多。而所藏歷代精槧名
鈔之詞甚富。所輯常州詞錄亦極詳審。

秦樹聲右衡

霜葉飛天甯寺讌集送朱古微之嶺南卽和其韻

俊游陳緒。疎鐘外。依然紅暈凋樹。翠微傳酒向離煙。愁幻征帆
雨。訪敗壁詞流冷羽。風鈴鳴咽荒今古。儘海角銷凝。畫舸宵珍
柯。夜夜照君鉛素。休問蠹粉塵縑。雞棲病策。故人蕭瑟吟賦。
隴頭娟影擢冰姿。雲凍春何許。任別淚綠巾萬縷。丹成當共三
山去。好奇將蘋洲譜。不負斑駁暮鴉飛處。

陳慶森葦階百尺樓詞

翠樓吟春寒獨坐微雨因人薄醉初醒悄然有憶

花困扶頭。柳蘇倦眼。重簾深款春住。微寒還作去。暝。又和雨吹香成霧。樓臺幾許。看遠樹堆烟。綠濛濛處。佳期誤。鈿車不到。杜陵東路。試拾墜景零權。問擁髻年時。當壚俊侶。青驄遠去也。渾不記那回情緒。玉尊起舞。悵迴雪驚飛。停雲孤阻。緘愁去。只應雙燕。和伊分付。

金兆豐雪生雪生詞

月華清 咏趙留堂家優曇鉢花

薝蔔分香。伽那同淨。春入頓教彈指。如願團樂。省識風疎煙異。素魄映玉女丰姿。圓相現金輪身世。應記趁蘭臺清暇。瑞添花史。況是花開有意。傍鶴髮樽前。瑤笄乍試。窺戶銀蟾。雙影一

時相倚。憑付與鏡裏神光。別換得吟邊風味。堪喜。向丈室繽紛。更參新諦。

馮 开君木回風堂詞

鷓鴣天

惻惻輕風到鬢殘。青春顛顛百花闌。千紅萬紫渾無賴。種得幽蘭祇自看。羅帶減。酒柝寬。參差吹罷倚闌干。美人環佩無消息。暮雨空江生薄寒。

相見歡

微颺不隔庭柯。動秋羅。只覺碧闌干外。晚涼多。花陰轉。漏聲斷。夜如何。自卷水精簾子。看明河。

君木与董氏
可云死反步列
結唐死則志
蒼古人中
不少見也

琵琶仙日暮倚秋辛閣聞隔院弄玉笙聲忽觸宿感用白石自度腔均寫之
 楊柳高樓早憔悴舊日烟條雲葉離恨吹入參差秋風正淒絕
 芳草外斜陽有限甚啼到空山鷓鴣十載心期香消酒冷彈指
 能說又何事泊鳳飄鸞漫孤負青春好時節空把一襟零泪
 與荒塔苔莢休更盼團圓鏡約恐玉人兩鬢都雪總悔珠箔飄
 燈那時輕別字合度

青玉案次賀方回韻

屏山隔斷春來路只目送斜陽去逝水年光愁裏度飄歌闌榭
 凝香簾戶依約無尋處鬢絲冉冉成衰暮苦憶尊前舊詞句
 剗地芳華能幾許小燈殘燼短衾單絮獨聽江南雨

孫祐培夢蕉味紅閣詞

埽花游夏日憩甌湖留春草堂風景凄寂亭榭半欹追憶舊游招焉歌此

柳煙墮碧又竹壓風梢驟驚涼雨一窗嫩暑正詩魂盪到悄難
 尋處舊徑淒迷付與空梁燕語好春去認點屐膩苔愁種無數
 花事湖上路記畫舫歸時那人眉嫵遠雲罨樹悵天涯繫夢
 俊游鷗侶疊石欹斜尙有樓臺影護謾凝注賸歌塵暗吹香霧
 徐宗亮晦甫善思齋詩餘

桂枝香丁巳仲春客六安晚步西郊次鄭吉甫韻

湖天向晚下雲陰數重空翠吹散好是昏鴉未定低鴻如喚尋
 花欲問春山徑傍平林小車歸緩汀洲多少飛來煙雨作寒欺

煖野寺裏疎鐘欲斷。問清供年時。佛前香暗。老樹無言。小劫
夢華初換。壁塵待覓閒題句。掃春風數行零亂。前村何處。依依
一鏡。照人歸眼。

錢錫宗亮臣聞妙香室詞鈔

翠樓吟 懋亭觀鷹

健翮摩空。雄姿照水。長天素秋初霽。羽毛豐滿後。任高下攜雛
游戲。昂頭雲際。愛顧視清高。翱翔多致。青雲志。偶然兜起。一空
塵世。猛鷲誰與爲儔。有阜雕黃鵠。逸情同寄。搜身思狡兔。向
林表翩翩輕舉。將軍知未。正有客憑闌。爲君凝睇。西風細。卷簾
迎爽。涼飄衣袂。

程霖壽箕仲湖天曉角詞

解連環 秋夜懷會茶村

扇颺初歇。正羅衫暈爽。早秋時節。坐綠莎一徑清幽。恰風過荷
叢。雨收梧葉。素月東升。匝地上水痕涼澈。盼庭柯上下一片蟬
聲。入水皆白。秋心數聲夜笛。悵菰蒲路迴。鷗夢煙隔。念別來
燕子天涯。待分付西風。莫羈遊客。寂寞江關。問可有蓴鱸消息。
怕寒蛩喚將夢醒。竟難再得。

張上蘇芷蓴吳漚煙語

拜新月 慢 虎邱秋賽用清真韻

路鬼呼燈。吳姬裁扇。權入橋西月轉。露草蟲吟。接垂楊歌院。豔

芷蓴文印
蘇久与大鶴

滄戶往還頗
索各一訂成皆
任二家訂正故
集中各一寬也
注

情處爲問誰家玉笛吹起。幔卷星河爭爛。鬢亂釵橫被荒螢窺見。憶春宵省識琵琶面。蘋颺軟又近篷窗畔。只恐步履歸遲。喚城烏驚散。送神旗一去成涼館。繁華夢付與秋魂歎。莫再費老淚登臨望。青山不斷。吳筠

西子妝慢吳小坡故址在言子祠南金姆橋東叔問有詞繼韻

烏喚角高燕銜泥去。寂寂娃鄉塵土。已無更點報雞人。替宮愁廢池蛙鼓。吳都又賦。讓詞客憑闌四顧。過橋東指一灣脂水。當年顰處。妝樓阻。只有驚鴻目送羅襪步。採蓮歌斷五湖舟。換春蕪數家鶯戶。登臨幾度。歎殘霸山川無主。怕飛花繞郭。鷓啼最苦。

菩薩蠻蘇軾詩
戍旗亂捲村煙滅。垂楊樹樹傷心碧。落日漢關西。暗塵催馬蹄。冶花紅欲泣。樓影嬌如雪。故國滿芳菲。惜君金縷衣。

六醜春暮用清真韻

正東風漸老。把笛裏關山拋擲。絮雲未停。單飛無彩翼。怕覓行迹。爲問春歸路。玉樓高處。送怨紅南國。青袍點點沾芳澤。燕掠煙隄。聽嘶故陌。尊前教誰憐惜。奈燈闌酒醒。歌夢愁隔。新鶯聲寂。但垂楊自碧。換了啼鶻淚。同歎息。梁園那有游客。只危欄獨倚。暗塵何極。搔霜鬢半侵簪幘。渾不見故苑斜陽一樹。野棠吹側。銷魂事莫付寒沙。縱隔牆笑落秋千影。何由喚得。梳搏回旋工於用筆

瑞龍吟滙尹聽楓園餞春用清真韻

橫塘路。還見古寺沉鐘。畫船依樹。年年紅燭題愁。海棠嫁後。銷魂是處。漫延佇。依舊杏梁歸燕。謝家堂戶。詞仙慣客。江南出門。一笑沙鷗共語。休說吳宮前事。夜烏啼斷。東風慵舞。誰念酒邊青衫。飄泊如故。零絃碎珮。憔悴花間句。無人問滄波舊苑。琴臺高步。暗逐游塵去。柳條怕綰。離盃怨緒。無意歌金縷。偏負卻。西園瀟瀟殘雨。五湖夢熟。一篷煙絮。愈厚

李宗禕次玉雙辛夷樓詞

菩薩蠻

西風掠地秋將半。客程惟見昏鴉亂。天入大江流。蒼茫一片愁。

倚欄成獨望。涕泗危樓上。早晚到長安。猶歌行路難。

桑靈直設齋寸灰詞

雙雙燕秋燕

綠陰謝盡。怕客裏流光。更難延佇。將雛乍長。飛熟舊時庭戶。知否香泥落處。漸做弄空梁。淒楚。驚心捲上重簾。瘦却那人眉。嫵欲去。依然少住。恨不繫紅絲。盡情留汝。蕭條深巷。算有夕陽如故。拚會呢喃軟語。問除與流鶯誰訴。好從樓角西風。記取明年歸路。

裴維伎韻珊香草亭詞草

西湖月

園居寂處日對虛窗朝景夕暉林花百態一時一事觸目感懷皆閒中况味也悶拈此解

碧簾不捲疏風乍謝了棠梨墜嬌千點雁絃懶訴春襟浣酒那
時香豔斜陽蘇柳夢蕩淺淺橫波青在眼總過却悶裏閒中領
略薄寒輕暖藥鑪茗盞芸煤歎幾許銷磨又吟團扇二分憔悴
一分護惜一分愁怨柔情難遣處但少著思量天樣遠暗拋
與絮水東灣月廊西轉

宴清都用草廳韻

老去閒情懶東風外霏霏花絮零亂輕溫漲綠啼鶯暗碧一春
過半尋芳已是來遲怕迤邐年光暗換應悵恨白雪歌空秋霜
鬢冷誰管凭闌自笑清狂事隨花謝愁與春遠持盃顧曲登
樓賦筆杜郎才減前歡已隔殘照但耿耿臨高望眼遡流紅一

權歸時半蟾弄晚

蔣廷黻盥廬看鏡詞

滿庭芳

秋夜不寐擬淮海詞意

更不成眠何曾是醒晚涼猶帶餘醺滿庭花霧蝶夢杳難尋秋
到簾帷深處遙天外一笛銷沈披衣坐博爐香燼寶篆自添溫
卅年尋舊夢阻風聽水幾度銷魂看斷霞明滅依約行雲欲
採蘋花寄與人千里淡月黃昏霜砧動栖鴉驚起無語掩重門

徐致章煥琪拙廬詞草

徵招立秋日有感用憶雲均

井梧墜葉池荷颭商聲暗催涼夕瘦月似悲秋也低迷雲隙枯

螢搖冷碧。訝團扇頓疏今日。膩雨滋花。和風薰柳。不堪追憶。
愁寂。數年時。滄桑感。前度淚痕猶溼。冷信又驚催。送西風消息。
悽蛩愁聽得。看梁燕漸成歸客。問幾時點點新鴻。寄遠人書迹。
江逢辰孝通孤桐詞華鬢詞
蝶戀花 丙申三月出都
惆悵年年聞好語。花草闌珊。逐漸春難主。又被流鶯催別緒。何
心便控珠鞍去。望眼低迷天色暮。無限情懷。沒著悲懽處。落
盡木綿飛盡絮。日斜腸斷人歸路。

朱啓連埭垞埭詞

高陽臺 庚辰冬初粵秀山探梅

南雪都飛。西園幾換。梅花底事還開。便解尋香。冷蜂猶自疑猜。
春風除却何郎筆。算無人肯費詩才。恁相逢。不似孤山。不似瑤
臺。而今索向冰霜裏。任飛雲捲雨。沒箇人來。有限春心。年年
寄與天涯。天涯又只歸無處。漸東風不管塵埃。儘銷凝。一段蒼
煙。一片蒼苔。

齊天樂 雁來紅

煙霄錦字書難寄。浮沈楚江無迹。冷逗楓霜。低縈茜水。都做滿
天秋色。斜陽向夕。又看似飛花。問誰堪摘。十樣西風。幾行南浦
但相憶。商聲又催怨笛。悵隨陽去遠。何處香國。冠幘雞人。仙
裳鳳侶。應有舊時相識。瓊枝露積。待渲染寒芳。更成消息。一點

燕支帶將歸塞北。

張祥齡子馥半篋秋詞

清平樂 次小山韻

綠蛾輕皺。總在黃昏後。拾得落花盈翠袖。記取他年人舊。東風不放梢頭。柳絲細裏春愁。燈火千家舞席。管絃十里歌樓。滿池謝艸。悔不飄零早。紫陌花鈿猶未掃。幾日燕慵鶯老。錦壺畫箭宵長。慙慙玉手擎觴。不是忙修花譜。等閒睡過斜陽。家詞

之中晚唐詩

玉樓春

殘衾酒醒高樓暮。冷淡斜陽閒閉戶。只饒苦味似桃仁。無復穠

情裁柳絮。從來宿粉棲香處。煙冷風悽無夢去。分明人自不歸來。怎怪藍橋堤上路。

蝶戀花 和六一韻

誰遣畫梁雙乳燕。翦翦西飛。浪逐風花亂。柳外樓高人不見。斜陽鋪滿蒼苔院。滿地淚痕花落徧。流水宮溝。寂寞芙蓉面。收拾殘春春已晚。闌干更比長安遠。

虞美人 南唐後主韻

關心春事匆匆了。酒伴驚稀少。枉持玉醴祝東風。拾得賸香殘粉燕泥中。年年花落花長在。不信人情改。料量無計解君愁。但與鏡中眉黛淚分流。

張仲炘次珊瞻園詞

解連環

秋夜苦長鬱懷莫達讀古微詞如子野聞歌輒喚奈何和韻既竟真不自覺淚滿霑臆也

怨懷何極井梧飄亂點玉階霜色念遠道愁寄相思早腸斷鳳

箋恨凝螺墨海素秋瑩料難照紅樓心跡盼微波阻絕靜掩畫

屏淚滿露臆長宵幾回挫抑又蟲聲絮答幽夢難入想此日

天際歸舟正催槳潮生蘸損清碧未寄寒衣怎耐得蓬窗風力

但淒淒對燈細數漏壺碎滴

憂生念亂

瑞龍吟十月初三日光祿寺直廬和美成均

朝天路還又碧水涵波絳煙依樹雲中間闔排空翠蓬尺咫春

生處處待延佇無限畫橈雕舸瑣窗瑤戶隨花轉入深叢鳳

幃遠近思量自語曾見昭陽新燕倚風來往宮腰齊舞偏是

背日寒鴉憔悴非故題紅寄綠吟徧蠻牋句誰還念閒階杵韻

荒闌屨步忍上危樓去眼前盡是飄零墜緒華髮添新縷秋又

晚吹殘重陽風雨廿年夢跡一天雲絮

天際輕陰之感

浪淘沙慢次美成均

卷簾望煙橫繡鳥翠鎖芳堞風舶乘潮正發冰絃進酒未闋漾

不斷情絲腸轉結悔前度玉蕊輕折對鏡久薰香坐無語西樓

凭高絕悲切亂愁散滿空闊漸夢影東風都吹盡縹緲殘恨

咽偏萬樹啼鶯新舊無別淚泉易竭長照人空有前宵明月

閒步瑤臺陰重疊穠桃李乍開旋歇豔游冷闌干紅半缺又還

怕曲水重來弄暮色紛紛舞徧楊花雪

長亭怨慢送半唐之揚州講席

暫休恨安愁無處。一水相望白頭吟侶。掃盡巢痕。鳳樓迴睇半煙霧。綠楊城裏君莫被啼鴉誤。紫曲咽紅簫已不是當年金縷。

卻顧記星辰昨夜暖泛桂堂椒醕無情畫舸忍拋卻玉闌無

主但一片隱隱青山怕難學蕭娘眉嫵算幾日江南贏得離愁

如雨感深切

六醜春去秋來忽忽成憶適漚尹寄詞依調賦此

又莓苔淨掃閉曲檻重門人寂盼春乍來恩恩成過客昨事重憶記判劉郎袂洞中桃雨墜冷紅盈尺姚黃魏紫紛狼藉玉李

歌新銅荷影窄屏山夢痕誰覓但煙迎月送吹淚瑤席繁華

江國變蒙茸亂碧徑艸吳宮滿空鳳鳥爭飛燕子猶昔綴芳塵

畫棟幕天無隙游絲裊小樓陰積卻愁是一縷東風漾起溼雲

如墨烏篷短侵夜潮急暫放懷對酒秦淮畔垂簾聽笛江南風景重遇龜年

結舌斷腸言之淒咽

楊調元蘇父縣桐館詞

河傳

銷暑何處兩山間和雨和烟數椽暗風送香溪路邊田田荷花

紅隱船便擬將家依翠窈境深悄幽思知多少嶺雲生谿月

明泠泠九天鸞鶴音

余嵩慶子激緝芳仙館詞存

蘭陵王題徐梅隱湖橋春影圖和自題韻

柳煙直。烘染湖天一碧。春人影雙照。綠波猶似當年舊。衫色相逢忽海國。無恙青門舊客。重披拂襟上酒痕。同拍闌干訂工尺。飛鴻爪留迹。甫酒貫旗亭。花墜茵席。吹簫旋乞吳門食。偏細雨如霰。柳棉如雪。雲山遮斷萬里驛。夢闌斗橫白。摧惻。綺愁積。似弱絮輕塵。音響沈寂。生綃有盡情無極。料惜取金縷。怕聽鄰笛。新愁勾起。寫影事倩露滴。張丙廉夢。蓮聞妙香室。詞鈔

綠意綠楊

紅樓一角看綵旛。翦處烟縷青嫵。拂水絲絲。搖曳東風。波光淺照梳掠。傷心莫問隋家事。已瘦了纖腰如削。只一方澹月中庭。慘照舊時池閣。還記沙隄曲岸。那回繫馬處。芳景猶昨。罨畫橋邊夕照。微茫認得揚州城郭。柔條不繫陽春駐。又悄把夢痕黏著。但願他長護宮溝。滿布翠陰如幄。

王嘉說劭宜蟄庵詞

琵琶仙金陵弔李後主

無限江山更誰唱。帝子銷魂殘闋。簾外疏雨潺潺。憑闌正愁絕。流不盡秦淮怨水。想瑤殿膩香都歇。苑樹霏瓊。宮衣染碧。遺恨休說。內橋畔淒斷啼鴉。奈空有當年舊煙月。曾記羽衣重按。

聽娥皇歌徹春去也檀槽不暖剩教坊苦奏離別知否今日江南落梅如雪

大酺

乍竹陰清荷香靜池上鷓鴣新浴黃昏疏雨歇又娟娟纖月照人幽獨碧簟微瀾羅裳薄暈涼沁秋肌如玉年年銷魂處是紅牆碧滿畫屏銀燭更誰道今宵露寒風細夢痕難續沈沈幽思觸記樓外芳草縈鈿轂算幾度輕鬟鞦韆戶素襪侵階度花閒麝煤香馥一自春人去都換却少年心目況潘鬢新凋綠秋情漫寫空付哀蟬殘曲報君淚珠一斛

燕歸梁

別院文楸葉葉霜聽斷雁淒涼謝娘紅淚溼秋光又檻外月昏黃離多見說芙蓉老怕重緝舊時裳小屏一角是瀟湘向那處寄明璫俊逸

曹元忠君直樂府補亡

清平樂施梅川水遙花暝一闋絕妙好詞存其半癸巳春晚常州道中風景似之補成此解

水遙花暝隔岸炊烟冷十里垂楊搖嫩影宿酒和愁都醒青山盡處州城白雲迥不分明驚起一羣沙鳥好風吹過鐘聲

阮郎歸樂府雅詞載李蕭遠校書學士半闋乙未榜後胡桃叔同年同穎約余同歸補此解贈之

校書學士小蓬山新參玉筍班買花歸去五湖間浣花龍尾灣嗟世事忍重看不如深閉關昨宵猶夢上書還觚棱星斗寒

虞美人

補汲古閣本黃機竹齋詩餘黃州江上寄王師詞寄湘中王雨時同年鳳藻並示江建霞學使標

三年萬里黃塵路。只欠江湖去。扁舟二月下湘灣。過了洞庭青草又春殘。怎知故國風光好。爛醉銀瓶倒。江南遊客不歸來。莫待花枝落盡首空回。

曾傳均文邵萬松堂詞集

洞仙歌 入廬山訪證月上人

濛濛飛翠。是西溪烟雨。行過溪橋日微露。恰山如展笑。鳥自呼名。深樹裏。尋得彎環苔路。丁丁樵斧響。驚起青猿。躍上蒼巖。又回顧。奈我已忘機。日注清泉。和一片閒雲。流去向梵磬聲中。覓招提。卻穿出桃花。漸聞僧語。

劉毓盤子庚濯絳宦存稿

解語花

施梅川體南歸後寄琴西湖與王翰臣德錄封翁結鄰翰臣攜酒過飲醉後同登寶石山作

新筍送怨。舊笛迎歡。江關素秋冷。翠禽啼竟。荒祠外。社鼓暮鴉猶競。歸觴未整。先忘却鷗波漁艇。空自笑。雲水霏微。重訪招提境。斫地哀歌暗省。有風搖九子。鈴語相應。廢牆頽井。休看作松菊故園三徑。閒花弔影。誰憐我無家陶令。向此間。一任魚龍喚夢醒。

淒涼犯

題沈磨盾乘康太守歷下尋詩圖紀宦游山左事

冰霜萬劫。明湖柳。南都恨事休說。綺懷欲碎。登樓試聽。幾聲長笛。蘋波沁碧。尚看作榆關草色。恁年來。銘鷗誅蜺。瑤訊莫雲隔。

行過虹橋去。剔蘚扶琴。就花移席。渭城酒散。怨芳菲。故宮天
末。欲訪青娥。只江水凝情似昔。向清宵、禿筦繭尾。夢話別。

長亭怨 人事倥傯。旅况寂寥。舊愁新愁。百端交集矣。

又三月光陰飛羽。院落沈沈。數聲啼字。海樣金多。買春將恨。黯
分與。選花評葉。休認作同心苣。蜂蝶替人愁。已瘦得腰身如許。
雲雨。甚荒唐。一賦誤盡世間兒女。風情易倦。忍重託。繡簾。擡
舉。最苦是舊燕歸時。忽提起。當初言語。也怨煞東君。輕放華年
吹去。

濯絳宦所編詞史及輯唐五代宋金元人詞極見辛勤自作詞亦多盛名而稍傷於碎茲取其渾成者

龐樹柏槩子玉瑋從館詞

浣溪紗 寒山寺題壁

幾曲吳波晚權移。冷楓衰柳各依依。林鳥啼罷雁初飛。虛閣
殘鐘。孤枕夢亂山。落月一船詩。夜禪參到斷腸時。清峭

莊寶澍仲芳嬾翁詞

長亭怨慢 新柳

莽回首柔荑初吐。記得相逢。晚陰窗戶。一捻春痕。碧衫微澹。六
街土陌。頭新柳。纔幾點疏疏雨。彈淚杏衣寒。更誰道折腰辛苦。
天暮。尙河橋立馬。指點翠烟深處。剪刀風軟也。裁出青青如
許。只憐取瘦影伶俜。還強畫舊時眉嫵。儘裊斷晴絲。莫再吹殘
香絮。

王以敏夢湘槩塢詞存

惜黃花慢

自清淮舍舟而陸南朝舊夢北客新裝歸旌搖搖秋緒如繭以

夢窗自度曲寫之

小隊西風袖楚雲萬葉扶上花驄望江不見涉淮漸遠青山夢裏細草愁中水蕙低佩搖霜訊胃鞭影不是春紅客路重鈿車俊約眉語誰通長河北去如弓看繫情病柳尙戀吳篷采菱煙槩落梅雨笛秋眸兩翦人在樓東素衣著鮫珠處索彈與天末離鴻野店空夕陽呼渡恩恩

入聲甘州

記車塵十里走鈿車紋窗按紅牙又短衣孤劍亂山危驛獨去天涯落絮捲春無影夢斷碧雲斜昔日華堂燕今日誰家吟

徧宮溝冷葉望重城不見但見飛沙儘悲涼心事分付晚啼鴉把東風當時錯認算人間無地種瓊花千秋恨滿青衫淚不爲

琵琶深切而

余年十五學詞於夢湘丈今遂四十載丈詞奄有梅溪夢窗之勝以不爲標榜故知者較稀然實湘社中翹楚足與湘雨楚頌並驅中原

汪述祖子賢餘園詩餘

雙雙燕白燕

呢喃並語正珠館徘徊巢痕同覓今番燕燕不似舊曾相識頭上絲絲盡白莫非是秋來作客飛飛近入梨花恐難尋蹤跡回憶樓中冷寂想十載枯棲淡妝如昔微禽何感素羽暗相憐惜欲傍桃林展翼怕紅雨汗將顏色惟應揀取雕梁高向玉堂

休息義兼
比興

桂枝赤伯華

臨江仙

落盡紅英萬點愁。拔綠樹千條。雲英消息隔藍橋。袖間今古淚。

心上往來潮。懊惱尋芳期誤。更番懷遠詩敲。靈風夢雨自朝

朝。酒醒春色暮。歌罷客魂消。語含哲理
詩雜仙心

王蔭昌五橋尺壺詞

八聲甘州蘭因室話十年舊事感而賦此

記畫屏蘭燼夜。惺忪斜月盪簾陰。正茶蘼放後。風絲露顆。涼徧

羅襟。多少秦箏清怨。池閣總悵悵。說到天涯遠。愁比春深去。

夢不堪重省。儘江天不盡。煙靄沈沈。更芳蕪綠減。鬢影漸霜侵。

長亭路。楊絲攀罷。甚離懷猶繫到而今。渾無奈。有斜陽處。都是

秋心。

康有為廣廈

蝶戀花

記得珠簾初捲處。人倚闌干。被酒剛微醉。翠葉飄零秋自語。曉

風吹墮橫塘路。詞客看花心意苦。墜粉零香。果是誰相誤。三

十六陂飛細雨。明朝顏色難如故。

姚紹書伯懷

蝶戀花

一角紅牆遮夢斷。燕子來時，綠滿閒庭院。心事訴春春不管。梨花瘦盡東風懶。錦瑟年華悲晚晚。蹙損雙蛾，鏡裏朱顏換。放入輕寒簾未捲。漫天飛絮如愁亂。

虞美人 吳昌綬伯宛松鄰遺集

春歸未解人憔悴。翻遣愁人醉。和愁借病且疎慵。偏又江南天氣。雨聲中。煙蕪滿目愁無際。幾許傷春意。舊時衣袂舊東風。苦被寒冰結淚不能紅。

伯宛校刊雙照樓宋元人詞精密絕倫。有功詞苑自為詞不多皆溫雅可誦。

京師一別人考俱有一錄

孫人和蜀丞湖堞詞

此名舊往蘇移入卷。

菩薩蠻

玄藤罨戶橫塘寂。孤飛燕子春無力。偷眼暗相看。琵琶隨手彈。

謝家池閣迴。夢繞迴廊影。風雨落櫻桃。醒來魂欲銷。

惲毓珂晉肅蘭窗瘦夢詞

二郎神 借四兄七兄同過里門故居

夕陽巷口。還認得舊時庭榭。趁野草紅心。垂楊青眼。馱出春愁。細馬篆影苔紋。相思字。記夢雨常飄。鴛瓦看落葉。半階清宵涼露。墜蟾西下。休訝家山唱破。啼痕羅帕。悵小海歌殘。芰裳翠褶。都付萍蹤浪打。曲水新蒲。輕煙斜柳。長是亂鳥飛。夜凝望。久三兩尋巢燕子。繞梁重話。

水龍吟 三月五日重游龍頭渚時桃花盛開

昨朝聽水聽風。夢中一角滄桑影。逝波過續。漏舟談笑。歡娛俄頃。敗葉辭柯。寒潮嚙石。似聞悲哽。對蓬壺尺咫。纖塵隔斷。人間世。斜陽冷。况是繁英弄晚。卷春光。漂花易暝。新來千樹。舊時雙槩。河山移景。出岫閒雲。升崖飛鳥。看人無定。把愁懷。寄與遙岑。遠水共吳天永。此調下半闕第三句第三字用仄。惟曾觀海野詞作仙。張榘芸窗詞作良。皆平聲。或不拘。然終以用仄為是。又接東坡水龍吟露寒煙冷一首。此調實無定律。此句作萬重雲外。則此字自可作平也。

霓裳中序第一 是公送客金陵邀維隱重訪蓮枝聽歌話舊感懷賦此

滄波洗柳色。冷落斜陽。今古驛。長恨隔江弄笛。恁分袂短亭。重來攀摘。金鷄繡勒。喜舊鶯催度芳陌。東風喚一枝嫩約。秀靨照

離席。誰識鬢霜狼藉。悔更見殘英墮幘。籠鏡前夜素壁。便曲裏端相。錦怨流瑟。畫屏銀手澀。怕聽到商絃轉急。闌干外天涯飛絮。寄與未歸客。下半闕第五句白石詞作笛裏關山四字。此調作者諸名家皆作五字。姑多填一字。未知是否。始予是。皆

劉福姚伯崇忍庵詞

虞美人影

夢雲輕逐歌塵散。寂寞傷秋庭院。雨外蛩聲淒亂。攪入琴絲怨。西風吹弄黃花晚。輸了秋光一半。空說畫梁春暖。無計留歸燕。

西江月

春餅龍團試罷。夜香鵲尾燒殘。南園芳事懶重看。風冷梨花秋

此是為是

苑。夢裏沈沈歌舞。客中草草杯盤。月明休怨北庭寒。海燕雙
樓正暝。調高詞苦

臨江仙

幻出玉樓瑤殿影。輦紅回首依依。冷吟忘却在天涯。客愁隨雁
盡。鄉夢逐雲飛。呼酒玉梅同一醉。冰霜那是寒時。夜深人在
碧琉璃。畫簾秋去早。高樹月來遲。沈

玉樓春

尋春舊約朝朝懶。門草心情輸女伴。柳絲飛盡尙寒多。鶯語驚
回渾聽慣。東風何苦催春晚。萬恨千愁吹不轉。花前莫怪泪
痕酸。不是多情誰解怨。

又和小山均

去年花底開春宴。花好不知春有怨。今年春在病中過。夢裏繞
花千萬遍。酒懷還似年時健。爭奈酒闌人易散。消愁直到醉
鄉深。莫待聲聲啼鳥勸。
啼鶻那解留春住。烟草淒淒春去路。莫將殘酒醉飛花。愁見細
風吹弱絮。人生盡說多情誤。情到深時天忍負。君看花月滿
春江。都是淚痕無盡處。
好風良月應無價。金盞深深消永夜。驪歌一曲醉中聽。螺黛雙
彎愁裏畫。今宵酒醒紅牕下。明日西風吹瘦馬。雁邊莫望寄
書頻。除卻相思無別話。

春駒作隊嬌鶯舞。錦樣年華愁裏度。一宵寒雨夢微醒。幾陣飛花春欲去。玉驄莫繫垂楊路。那見多情留客住。年年垂眼望

征人到此翻成腸斷處。唐臨晉帖已近自然時在庚子故言皆有物

徐珂仲可天蘇閣詞 仲可先生花裏先生以此書未采

清平樂

梨雲弄暝。悽黯歸帆影。舊夢忍和芳事冷。休把春痕重省。禁他酒醒香銷。愁心欲付江潮。拚與綠窗同聽。落花風雨深宵。

絳都春 次韻呈況夔笙先生

相逢客裏。悵燕麥兔葵。斜陽何世。舊柳漢南。閱徧番風知曾幾。高樓西北。登臨地。怕滄月。愁邊飛墜。隔鄰歌管。嚴城鼓角。夢回

情味。英氣花銷不盡。忍都付倦後。茂陵吟醉。看劍問琴。同是天涯青衫淚。銅仙一平去。觚稜遠。漫重話長安春事。燕樓何處。

雕梁麴塵又起。澹折疏雋

浣溪沙

舊夢新歡兩不真。東風故故惹香塵。相逢何處展芳茵。聚蝶

闌干花弄暝。餘鶯庭院月窺春。迴廊一笑一逡巡。

蝶戀花

山色當樓春更好。得似眉痕。總待郎歸掃。牆角碧雲猶縹緲。天涯忍見蘼蕪草。啼鴉聲殘庭院悄。花已飄零。莫遣游蜂鬧。遮斷征鞍西去道。玉關楊柳青多少。

仲可先生著述甚富。關於詞者。有近詞叢話及清代詞學概論。暨歷代詞選集評。爲時傳誦。

劉恩猷新甫磨梭詞

祝英臺近

挽歸雲。留逝水。依舊歲華晚。明鏡無言。坐視鬢絲換。思量後不如今。今還非昔。便有酒爭教人勸。更悽惋。星星舊夢前塵。傷心近成慣。翻笑多情。愁病尙依戀。幾多冶綠倡紅。待春拘管。奈春思自家零亂。

霜葉飛月夜步響水橋用夢窗均

墜瓶單緒。銀牀夢。秋風先上宮樹。悄將恩怨訴。啼鴉翻帶昭陽雨。負七夕銀灣墮羽。餘灰重見昆明古。聽斷續聲聲。想像踏波

人。漬透襪羅塵素。空自淚織江妃愁。銜帝女。賺得疑似詞賦。

悴紅今夜到人間。誰託微波語。恨越客千絲萬縷。沈沈環佩歸來去。定羨煞鴛鴦伴。比翼荒陂。凍雲深處。疏俊

洪汝冲未丹候蛩詞

疏影珠簾

誰家畫閣。有茜香點點。飛上疏箔。欲倩湘筠。留得啼痕。鮫人萬顆先落。通辭一水。疑銀漢。怕下界微波難託。待梵宮會闌無遮。證取勝鬘瓔珞。悵悵簫聲隱隱。看花似霧裏。青鬢非昨。記否長門。微雨黃昏。乳燕曾經低掠。流蘇不隔高唐路。奈月夜夢魂纖弱。但送情遙指紅樓。早下五更銀鑰。清麗芊絲。而骨格適健。

玉樓春

橫波脈脈簾垂地。五夜挑殘鴛錦字。欲憑幽夢說相思。卻早亂
雅啼破睡。花前真悔空迴避。小膽惺忪無好計。淚痕和墨點
羅衣。記取去年今日事。

玉樓春

宿雨初霽。棹小舟渡松花江南岸。入農場與羣公會。詩時值新漲。萬綠迷煙秋色。撩人江山如畫。恍惚身在江南也。

鯉魚風起芙蓉老。呼渡恩恩瓜艇小。數畦新稻露初溥。一路野
花秋自嫵。不因宿雨連昏曉。那得珍叢千遍遶。鵲紅休道不
如歸。眼底江山無限好。

霜葉飛

北山看紅葉

素娥微怨。清霜重。秋容人世偷換。綠陰青子認楓林。料染深深

茜。稱白髮顏酡自展。停車都為伊留戀。正暮色蒼茫。怕襯入蘆
花。誤了雲外歸雁。猶記舊日宮溝。幽情傳出。尚隔天上河漢。
感紅顰翠。又經年。夢裏繁華變。賸一角斜陽未翦。輸他絕。平塞
燕支賤。看洞庭波流處。多少浮萍被風吹轉。

味聘同學。中年專力詞學。秀韻不凡。茲擇迨緊者數首錄之。

蔣兆蘭香谷青蕤盒詞

更漏子

宮詞

月纖纖。風細細。一桁繡簾垂地。鬢半鞦。黛輕描。澹妝人更嬌。
長門怨。迴心院。不信君恩易斷。新燕語。乳鶯啼。夢兒花下迷。

蔣先生著詞說一卷。論詞頗有見地。自作者不逮所見。錄此以見一斑。

胡 延長木苾芻館詞

醉落魄擬二隱

春寒小怯。湘簾窄地風輕揭。麝塵暗褪香紅褶。露井風桃愁重不堪折。箏調雁柱情難說。空庭一夜堆香雪。年年柳色傷輕別。草綠南園。羞見粉黃蝶。

陌上花成都江叔海寄書來訊喬茂夔趙堯生蹤跡感賦用蛻巖韻

狨裝卸了。城南杜曲。又驚霜晚。隔幌燈青。秋在碧蘿閒館。衍波莫寫相思字。早已怨紅流斷。歎銅駝俊侶。狂蹤渾似。絮花吹散。自都亭泣後。南徐北庾。苦被浮雲羈絆。病蝶蕭疏。夜抱冷枝難暖。玉璫縱有書堪繫。怎付失羣孤雁。況伶俜。幕府井梧搖落。

賦情都懶

曾習經剛甫蟄庵詞

高陽臺

積雨妨車。愁陰禁馬。悵悵芳陌傷春。無賴朝寒。吹花都作輕塵。垂楊已是深深處。更東風斜掩孤顰。甚年年。病酒情懷。容易黃昏。蘭堂舞罷無消息。賸茗華玉冷。誰與溫存。最苦羈魂。今宵夢亦無因。屏山約略眉峯翠。便相思都化春雲。近清明。瘦盡香

桃啼鳥空園詞中溫李上湖浣花

解連環

車塵漠漠。嗟羈情游蕩。怨懷無託。念海水流到天涯。正津鼓曉

沈參旗秋遡。燕子孤飛。傍煙柳畫闌如昨。想風風雨雨。盡是客途。亂絮黏著。花時微聞酒惡。甚春歸迤邐。塵夢消鑠。記駐馬曾宿河橋。漸葵麥青青。候館蕭索。京國歡游。料後日相思紅藥。漫徘徊翠尊易別。夕暉沈閣。桂枝香庚子閏中秋晚雲紺碧。悵不語依前。蟬嫣何極。幾度凝妝愁鎖。暗塵羅額。重來恰喜逢秋慣。問瓊宮幾時將息。良宵暗展。鉛華淨洗。鏡顰相憶。賸幾處笙歌瑤席。似今夜寒些。桂陰狼藉。小影山河應也徘徊陳迹。墜歡零夢輕輕記。儘憐伊。擷愁鈿笛。情懷積疊。平分不盡。半樓斜白。變雅音

天香鹿港香

麝粉成塵。龍荒墜夢。餘熏夜爇孤館。荀袖分溫。買簾窺俊。記得暗聞清遠。人閒別久。空冷落秋痕一線。只恐游絲不定。還愁夜風吹斷。幾回故人寄遠。撥殘灰寸心先亂。更恨鬱金消盡舊家池苑。芳思年來頓減。便羅薦宵寒有誰管。寂寞南沈春燈獨翦。寓物與懷義兼比興

高陽臺

虛閣蛩淒。重雲鴈渺。秋霖一片潺潺。茂苑人歸。誰憐酒病闌珊。豆花紅落愁燈燼。待不眠特地清寒。甚心情。明日黃花。殘雨闌干。謝孃別後閒瓊瑟。只丁東細漏。夢也都難。地老天荒。知他

何處關山。故家歌舞沈沈去。點羅衣清淚爛斑。最無聊扶醉今年瘦盡愁顏。

蟄庵詩深美粹潔于同光間獨標一幟詞雖罕作而迥非凡響疆邨翁收入滄海遺音有以也

張祖廉彥雲城東唱和詞

琵琶仙中秋坐雨遲寐之不至追和成容若韻索伯宛同作

呼起寒娥問禁得有幾人間圓缺。秋信遙落江頭飛濤正如雪。簾戶靜風吹暗雨更聽久砌蛩淒咽。庾亮南樓料應此夜同怨明月。可堪是長信秋深早溝水無情誤紅葉。輸與鵲鑪心字。尚溫磨微熱。垂柳瘦長堤繫馬。怕玉韉旋又離別。欲借霜竹橫吹一天雲裂。

沈宗畸太侔繁霜詞

燭影搖紅補和鄧孝先司使除夕用薑園韻

吹醒梅魂鳳簫聲裏風光換。春歸花草有微霜憶着羣芳苑。猶覩阿姨送暖恨熏沐瓊蘇尚淺。喚取椒觴斟酌新韶。鄉心嫌遠。惻惻輕寒客中病酒襟痕斷。長星催飲是何年貯淚冰壺滿。待把珠旂拗轉。恁愁煞東君要管。草堂何處思發花前一聲孤雁。

眞珠簾徐錫臣司使有歸思賦此代訊

春前燕子差遲羽。小簾權占取深深庭戶。渾欲嫁東風怕池塘疏雨。况是江頭潮信改。只合聽浮萍流去。說與。祇一朵瓊花能

禁清露。新歲次第春來。鬪嬋娟。懶向芳叢回顧。禁得一分愁。
便消魂如許。試問長堤三萬樹。何處是斜陽。多處輕誤。恐門外
天涯。王孫且住。二首皆有本
事詞亦高華

魏 龔鐵珊魏匏公詞

買陂塘。借季裴伯茲游角山亭懷簡齋

倚危亭。塞垣一角。海山青了何處。雲羅不礙高飛鳥。幾片南來
倦羽。誰是主。儘點檢殘磚。秦漢無憑據。風鈴自語。和夾水笙簧。
叢祠鐘磬。隱約亂笳鼓。玄都樹。前度劉郎曾賦。如今還買晴
絮。舉頭西北浮雲遠。莫問銅仙清露。天又暮。算只有女蘿山鬼
愁堪訴。離悰更苦。好說向江鴻。輸他社燕。認汝舊巢去。

王景沂義門瀝碧詞

浣溪紗

相見無緣續舊歡。月波吹水錦屏寒。昨宵清露溼紅蘭。別院
花深魚鑰閉。小樓香燼鴨爐閒。惜春何必是春殘。
芳草何曾管。別離飛紅日日上。簾衣天涯。只在畫樓西。幾纈
斷雲迴杜曲。一鉤殘月夢隋隄。無言花影向人低。名句
絡繹

遠佛閣

凍梅破蕊。春意此夕。輕逗朱戶。憔悴羈旅。怕提舊日燒燈俊游
處。悶吟正苦。狂醉杜曲。還聽箏柱。良夜何許。一庭燭影花光。嘆
香霧。浪跡怨飄泊。望極江南芳草路。長記翠樓迴文機上句。

便定子當筵。心事誰語。鬢華虛度。料鏡閣妝成。羞畫眉嫵。待安
排夢中歸去。

陳昭常簡持棟花風館詞

蝶戀花

自與笑桃人別後。遠水遙岑。懶共花枝鬥。孰遣眉梢情暗逗。腰
肢拚爲東風瘦。金屋盈盈新鑄就。一點靈犀。早被卿猜透。記
否離亭斟別酒。蘼蕪山上還依舊。

袖口香寒心更苦。草綠南園。蛺蝶飛無數。落盡苔錢春又去。扇
邊不管人眉嫵。鷓鴣聲聲留不住。桃葉桃根。雙槳迎何處。綠
葉成陰三月暮。章臺那是停鞭路。烟柳斜陽感深今昔

霜葉飛重九日登龍潭山用夢窗韻賦呈同會諸公

亂山斜日秋蕭瑟。寒鴉爭踏林樹。一年容易又重來。佳節無風
雨。且漫刷冲霄勁羽。龍山高會今猶古。看一片濃妝。絢染就丹
楓碧嶂。渾忘寒素。遙想戲馬台高。寒潭皎潔。好句靈運曾賦。
河山風景黯銷魂。旅雁淒涼語。望隔岸。炊烟縷縷。亭皋黃葉紛
飛去。較昨年知誰健。且共支筇白雲深處。邊愁時局俯仰無端

李岳瑞孟符郢雲詞

菩薩蠻擬飛卿

西洲一夜西風緊。玳梁乳燕棲難穩。回首鬱金堂。可憐雙鳳凰。
金鈴黃耳護。莫放昆侖度。何處最魂銷。冶城朝暮潮。

惜紅衣

七月十八夜中宵不寐蛩聲到枕露氣滿簾悄然有作仍用白石均並呈溫尹

絡緯虛堂哀蟬墜葉枉拋心力一樹無情悽然怨凝碧新愁黯黯聞也到鷓邊狂客沈寂斟酌九秋斷姮娥音息鵲聲紫陌寥落宮花玉容淚痕藉霜前白雁戀國斗依北爲問故家亭館更待幾回游歷奈誤人多矣江上六朝山色

入聲甘州

辛亥九月簡溫老

驀黃花都傍戰塵開銷魂故園秋悵西風韋杜衰蒲細柳一片清愁望裏秦山破碎涇渭自東流飲罷瑤池暮日晏崑邱問訊胥臺倦叟但無端歌哭爭挽神州念浮家有約何事苦淹留碧沈沈江南舊樹怕煙波無地著閒溫千秋事祇霜花卷爲寫

煩憂

燭影搖紅

辛亥十二月廿五日紀事

樓上黃昏繡簾垂地花光亂斜陽猶自冒危闌天末餘紅戀人世東風悄換悵玉妃鸞綃淚浣暮鴉啼後鳳瑟新聲誰家歌筦璧月弦沈素娥未肯輝分半釭花今夜冷於秋凍折瑤簪斷陌上鈿車緩緩問何時金迷翠煖遠書憑寄遼海藍霞北飛南

鴈

此亦可入詞史

六醜

壬子送春

鎮看花泪眼悄立徧池頭凝碧曉鐘乍臨芳暉驚過隙一逝難覓望帝魂歸夜舊時臺榭剩斷紅狼藉零環碎佩添蕭瑟絮影

空迷簫聲旋寂。佳人更無消息。但落痕襪印。猶認香跡。留君
 今夕。對清尊。易泣。萬里青蕪苑。非故國。江關老去。詞客便重逢。
 鏡裏玉顏。殊昔闌干。外燕愁鶯。澀君不見。日暮東風。御柳可憐
 行色。芳華怨。莫問天北。縱錦牋。遍寫相思字。何由寄得。之麥秀歌

六醜壬子九月朔日紀滬上所見用夢窗均和季剛

正涼霞紺海。漏瑟轉西風。微掣小山桂叢。留人馨半滅。却值佳
 節。曼衍魚龍戲。萬枝旛影。傍五雲高揭。驕嘶寶馬香韉。熱路幕
 傳籤。淞波翦繡。苕苕蜃樓仙闕。聽嚴城簫笳。一霎吹徹。懽悰
 未歇。奈霜痕。苧髮俊侶嬉游處。懷抱別年芳。又過啼鴉。漸街塵
 倦步。露寒侵襪。銀花燼。鈿車聲絕。不堪問玉殿。秋期換了。故宮

新月清商怨。休唱回雪。向夜闌更續傳柑夢。釭華恨結。

卓孝復芝南雙翠軒詞稿

淒涼犯登岳陽樓有感

枕山一角。臨湖上。高樓勝景如昨。去天尺五。波光映帶。晚檣齊
 泊。斜陽市郭。更霜樹煙痕淡薄。漫銷凝。湘雲楚水。到眼盡離索。
 疑是神仙宅。髣髴蓬萊。控鸞驂鶴。古人往矣。問誰知。世間憂
 樂。欲贈佳期。空自采芳洲杜若。怕西風。雁信未準。誤密約。

沈曾植子培曼陀羅窠詞

高陽臺

借月湔愁。牋天訴夢。碧城十二星期。擁髻歸來。夜闌露細。風微。

中庭種樹成紅豆。那寒心鸚鵡先知。拚酬他扇底秋心。絃上秋思。當年對影聞聲地。剩花濺淚萼。柳裊愁絲。羅帶同心。有情天亦憐癡。荒唐夢峽歸雲晚。甚神娥猶妒腰肢。祝芳風莫冒飛花。莫鬪纖眉。

金人捧露盤

壞雲沈。悲夢在。却塵荒。問人間幾度滄桑。畫圖一角。西山煙樹極微茫。觚棱曉色。費秋衾淚雨千行。天人眼。英雄手。神綽約。佛清涼。總禁他轉綠迴黃。綠陰啼鳩。春來還是看花忙。絃危舞破。道白頭怕聽伊涼。

摸魚子 彊村寫示龍華桃花詞依韻答之是日寺僧約看花未往

謝閑黎十年禁足。玉鞭忘了春騎。夕陽漫想亭亭影。烘入澄江霞綺。呼用里。道收拾商芝。移種秦源裏。鷓鴣啼起。便紅雨紛紛。道人悟了。作飯了非計。傷春日。多少蜂酣蝶戲。不是涼州樂世。散花天姊含顰見。不斷花閒興廢。樓笛倚。便吹徹蒼龍。難遣悲華意。東風休矣。只笑也堪憐。開原多事。鷓鴣血漬巾淚。

子培丈詞力矯凡庸乃詞中之玉川魁紀公也茲取較平易者備一格

何震彝威鞮芬室詞

絳都春 題揚州畫舫錄卷尾

山亭薄醉。歎回首夢痕。輕吹愁起。水石清華。樓閣玲瓏人多麗。黃金買得悲歌淚。盡灑向棠梨花底。俊游如昨。三生自省。杜郎

蕉萃。荒寺鐘塵暗蝕。更誰見昔日竹西歌吹。二十四橋明月
簫聲空流水。秋來弱柳漁舟繫。蕩一片蘋烟涼翠。樓頭曲綠瑤
闌暮雲倦倚。

陽 頤翰卿悔盒詞鈔

薄倖螢火

黃昏庭院趁新晴。牆陰乍見。又幾點草黏花綴。和露和煙不斷。
偏有時巧入低穿。身輕婉轉。乘風便便。亂翻金井。坐拂人衣。高
下隨伊舞徧。縱得到銀屏上。空自抱微光一綫。任潛蹤暗度。
依闌傍牖。撲來難避。輕羅扇。青燐碧燄。問於今腐草荒涼誰識。
隋宮苑。淒淒秋雨。月黑池塘影散。

燭影搖紅

春江重過留滯兼旬寒食清明相將過了春光欲盡游客思歸
感舊述懷慨然倚此

短帽輕鞍。鈿車猶記杜陵路。雲萍飄蕩幾何年。雙鬢絲如許。莫
怪鶯嗔燕妬。又相逢清明百五。河山有淚。花月無痕。劉郎前度。
惻惻春寒。客心一夜樓頭雨。天涯芳草怨王孫。也自傷遲暮。
東風爲誰媚嫵。空贏得征衫塵土。垂楊處處。杜宇聲聲。不如歸
去。

沈澤棠芷鄰懺庵詞鈔

虞美人

薄寒簾幕人疎酒。清供花枝瘦。垂楊曲鎖翠雲稠。不放一襟詩
思出高樓。畫闌弓樣彎新月。愁聽丁冬鐵。玉階連夜鬧東風。

曉看一雙蝴蝶泣殘紅。

摸魚子

樂昌寓樓俯臨江濱山翠撲簾浪青涵楊來颿婀娜如蕩客愁率填此寄石臚兄少眉弟

鎮蕭蕭打簷風勁。曉來冷逼孤館。高樓颿影明還滅。空戀夕陽一片。情自泣。漫贏得離懷說與啼鶻怨。寒深醉淺。料聽雨窗前。聯床夜話。應念客遊倦。塵勞恨。頓被篴聲吹斷。迴闌十二吟遍。薰爐烟裊添香細。門掩落花零亂。愁莫遣。問愁與情絲較比誰長短。宿醒未浣。又衾薄霜濃。簾疎月峭。歸夢萬山遠。

買陂塘

酒後登城晚眺寒颿逼人春游尙阻填此遣懷時壬子冬至後十五日也

甚悽悽。鵲鷓啼遍。猶颿寒厲如許。銅瓶冷剩紅梅瘦。此外春光何處。天不語。任淚灑。山園黯淡冬青樹。呼鸞道古。看一角蕪城。

荒苔敗堞。眼底幾愁緒。鐘聲送。指點昏鴉三五。迷林知否。歸路羣兒未解。興亡恨。豔說承平歌舞。情自苦。縱織箔鈔書。意氣仍龍虎。尋芳尙阻。待人日題詩。花朝呼舸。主客畫圖補。

芷鄰丈詞取徑朱厲而能去其碎茲取較沈厚者三首

羅惇勳揆東廔庵詞

絳都春 辛仿蘇屬題青衫捧硯圖

簾深露卷。正斗篆迴香。瓶笙沸暖。喚起小魂。佇立單衣閒庭院。蜂嘖蝶怨。游絲倦。悵墜羽流光輕換。鑄春費句。吹花題葉。佞人新燕。應見。鵝溪薄染。試重展依稀。春星酒畔。柳外月遲。花底天寬。聞歌慣。汀蘋歸馬。心情遠。怕負了紅芳晚晚。忍拋零落箏。

塵風燈別館

梁啓超卓如飲冰室詞鈔

六醜

傷春學清具體東剛父庭院碧桃開三日落盡矣藉寓所傷後之讀
者可以哀其志也

聽徹宵殘雨。正簾外曉寒衣薄。莫道春歸便濃。春池閣已自蕭索。問歲華深淺。惜惜桃葉。在舊時欄角。繁紅鬥盡無人覺。待解尋芳。東風已惡。歡朝未分零落。尙曲牆扶繞。頻動春酌。情懷如昨。祇休休莫莫。似水流年底。成飄泊。故枝猶綴殘萼。又蜂銜燕蹴。乍欺怯弱。愁對汝自扇深閣。卻不奈一陣輕飈無賴。送敲垂幕。感啼鳥未拋前約。向花間道不如歸去。怕人瘦削。片玉神味暗香延平王祠古梅相傳王生時物也

東風正惡。算幾回吹老。南枝殘萼。水淺月黃。長是先春自開落。二百年前舊夢。早冷卻樓香羅幙。但賸得片片倩魂。和雪渡溪約。依約共瘦削。便撩亂鄉愁。驛使難託。鸞牋罷寫。閑殺何郎舊池閣。休摘苔枝碎玉。怕中有歸來遼鶴。萬一向寒夜裏伴人寂寞。

金縷曲丁未五月歸國旋復東渡卻寄滬上諸子

瀚海飄流燕。乍歸來依依難認。舊家庭院。惟有年時芳儔在。一例差池雙翦。相對向斜陽淒怨。欲訴奇愁無可訴。算興亡已慣。司空見。忍拋得淚如綫。故巢似與人留戀。最多情欲黏還墜。落泥片片。我自殷勤銜來補。珍重斷紅猶軟。又生恐重簾不卷。

十二曲闌春寂寂。隔蓬山何處。窺人面。休更問恨深淺。深心託
素

陳 銳伯攷哀碧齋集

大酺 吳門錢春

借習家池。中山酒。花裏行廚初熟。停車喧客到。喜狂朋猶是舊。遊巾服。試拂亭欄。還欹枕簟。人影四圍深竹。佳期何由醉。共傷離身世。送春心目。奈簾角昏燈。桁陰飛絮。斷愁催續。鵲啼芳事促。最無計。年軌留奔轂。且莫論陶潛歸去。畢卓酣眠。暫推排一場拘束。未怪蘇臺月。流照入越娃哀曲。況蹤跡天涯客。臨水惆悵。誰見修眉重綠。夜闌更嗟短燭。新折生硬。後之不知行。

水龍吟 題大鶴山人樵風樂府

十年雪涕神州。氣酣西蹴。岷崙倒素商。夜起潛蛟暗舞。危絃苦調。亂插繁花。時溫濁酒。自成悽悄。爲一閒放汝。掉頭高詠。蒼茫處。無人到。回首東華塵渺。溯題襟舊遊都老。堯章歌曲。玉田身世。最傷懷抱。占得吳城荒園半畝。儘堪愁了。怕茂陵他日。人間流落。有相如稿。

過秦樓

倚月闌孤。餞秋香燼。風刮冷雲成片。螢來弔水。雁去箋天。還挂舊時愁眼。宵永總是無眠。不爲貪涼。頓疏羅薦。甚年光付與。秦樓一夢。玉簫吹斷。長記得翠陌鷺初。紅橋鷗外。迤邐太平遊衍。相如病後。元亮歸來。剩有酒悲琴怨。誰更傷心。覓他將返房

權纔拋鍼綫。道婆婆老我。離恨并刀自翦。

哀碧居吳與朱鄭齊名但功力稍遜此數首最爲完璧

譚恩閣祖庚靈鵲蒲桃鏡館詞

摸魚兒

問湖山紛紛歌舞。新妝誰似飛燕。可憐一曲當筵醉。無奈玉嬌香怨。情繾綣。記絮語辭巢人在闌干畔。離愁萬感。待更不關情。此情仍自己共水天遠。傷心事最苦人間聚散。無情猶有癡憾。重來縱續笙歌夢。瘦損畫圖春面。君不見。歌舞處。淒涼蕭瑟成秋苑。樓台易換。任俠客無腸。王孫有恨。目送楚天晚。

王允哲又點碧栖詞

瑞鶴仙 遼陽道中書感寄滄趣樓老人

黃塵嘶馬去。歎而今不是少年。羈旅荒程。渺何許。但雲水縱橫。亂山無主人。閒事苦。有垂柳青青倦舞。繞天涯不見啼鶯。那見一春歸處。凝佇聽笳身世。換酒年光。黯如風絮。滄洲舊侶。總孤負翠樽語。料溪橋南北。藤花零亂。長有愁香秀句。滄趣樓前後植紫藤數十本甚匆匆茶熟湖亭。便成間阻。

木蘭花慢

寓居興郡小西湖。抄春多雨。客感幽單。張韻舫太守用補柳翁韻。作詞見訊。依次答之。

洗紅連夜雨。吹不散畫橋烟。歎景物關人。光陰在客。情味如禪。尋思刺船弄水。便歸歟。何用買間田。拚約春風爛醉。恨春輕老花前。湖天碧漲。篔簹紋邊。日日憶家眠。料試衣未妥。暈妝還嬾。

鬢冷歌蟬。分明片時怨語。說相思金篋已無賤。雨歇西齋淡月。隔牆猶咽幽絃。

齊天樂 秋日偕友人游台江作

曲塘不是調鞭路。當當更聞珂馬。涼水斜門。疎花占屋。稱得蕭娘聲價。紅香慣惹。有事疊吟賤。淚藏離帕。再見蛾妝。俊懷銷滅。定應訝。江關詞賦縱好。少年情味在。秋氣難寫。跂脚眠雲。扶頭醉雨。換了當時臺榭。波容漫冶。消幾日相逢。渚蓮開謝。老盡愁鴛。暗霜飄翠瓦。

甘州 庚子五月津門旅懷寄太夷

又黃昏胡馬一聲嘶。斜陽在簾鉤。占長河影裏。低帆風外。何限

危樓。遠處傷心未極。吹角似高秋。一片銷沈恨。先到沙鷗。國破山河須在。願津門逝水。無恙東流。更溯江入漢。爲我送離憂。是從來興亡多處。莽武昌雙岸。亂雲浮。詩人老。拭蒼茫淚。回睇神州。

碧栖詞脫胎玉田而無其率滑。茲選其襟抱較廓者。

程 霽甘園匏笙詞

六醜立梅花下作

看黃昏照水。便悄倚枝南。枝北。去年看花。今年花送客。應共追惜。長記尋春處。粉雲千樹。壓湖陰。寒碧探芳漫憶。溪橋側斷角。孤城殘鐘小驛。江南更誰相識。祇飛殘絳雪。香冷瑤席。春痕

狼藉背牆陰。暗泣帶雨華妝洗。羞重飾。東園片月如昔。有何人思我夜寒吹。籥何郎老更誰題壁。縱排就玉管金葭難寫舊遊詞筆。但夢魂暗遠銅坑路。依稀見得思致深曲而筆情軒朗

六陳衡恪師曾簡庵詞鈔

解連環為公澗畫水仙並題用清真韻

素根聊託。悵溼洄別浦。寸心懸邈。試睡起慵展晶匳。但顰惹月寒。夢移春薄。畫槳來遲。正孤守幽牕笑索。定冰姿恨隔不共麗人。細評花藥。湘皋近來自若。想輕裳暗掣。香送天角。甚亂雲漸阻相思。忍付與瑤環。怨期閑却。淨洗鉛痕。穩伴取烟條珠萼。怕荒汀夜風似翦。點波淚落。

俞安鳳伯歇水周堂詞

南浦春草用玉田春水韻

絲雨織流光。乍簾波盪碧。山鬟妝曉。誰翦舊愁根。憑鷓鴣輕喚。春風難掃。閒門翠線。認伊羅襪侵階小。評泊邱遲今漸老。吟斷落花依草。驚心原上風煙。甚年年野火青痕不了。金勒暗嘶風。垂楊路猶記王孫曾到。平蕪渺渺。蝶闌香散南園悄。千里萋迷連漢苑。生意入秋多少。

高陽臺唐花

羯鼓頻搗。曇雲乍現。休誇花樣翻新。蝶誤蠶迷。也驚偷換芳辰。繁華一晌催春夢。更誰憐綠慘紅顰。漫長教歲晚冰霜。同伴松

筠。人閒易幻。炎涼境。縱揚葩吐艷。總失天真。浪說神仙能開
酒畔。逡巡無端。費盡隋宮綵。笑何如。著手成春。怕空枝。盡落花
朝。誤了湔裙。所感甚深

花發沁園春。丁卯展上巳。葉遐公招同人禊集北海畫舫齋。分得李字。

畫舫鷗波。紅牆烟柳。上林借展春禊。春濃似酒。須要重斟。况是
筍香蔬美。風光取次。憑占斷。崇蘭流水。正花落香。點蠻牋。泉鳴
聲和綠綺。十載燕臺客裏。向春城。陰陰看盡桃李。文漪翠膩。
瓊島烟深。莫問永和何世。羊裙漫繫。應不減。烏衣名士。但修竹
空滿山陰。故鄉遙阻歸計。

王式通書衡志盒詞

浣溪紗

小院霏紅濕。繡茵畫衫雙。拗露枝新。闌干吹起一層塵。燕子
銀屏香海雨。棠花鈿笛水簾人。綠陰如夢又深春。

廖仲愷仲愷雙清詞草

青玉案泉州道中紀見

西風畫角悲征戍。人意也消何處。一臥滄江驚歲暮。歸帆數盡。
日暹還未。又上泉州路。河山夢覺成今古。騎鶴纏腰幾人去。
除却冬青無別樹。頽垣斷井。荒烟蔓草。悽切城烏語。

黃金縷抵安海感賦

五里長橋橫斷浦。不度還鄉。祇度離鄉去。賸得山花憐少婦。上

來椎髻圍如故。冉冉斜陽原上暮。罌粟淒迷。道是黃金縷。綵
旆紅旌招展處。幾人涕淚悲禾黍。警拔

汪兆銓莘伯惺默齋詞

滿庭芳

燕子不來。狻爐初燼。垂簾閒坐春陰。翻書人倦。獨自抱寒襟。試
向午窗閒睡。偏惆悵。懶見瑤衾。無聊賴。難將心事。悄說與青禽。
重尋。前日事。冷雲如夢。也似而今。怎尋常。妝閣過了春深。一
樣舊時庭院。經行遍。祇是傷心。閒猜取。有人窗下。此際也停鍼。
買陂塘。落花辛亥冬作
乍驚心。萬紅飛盡。霎時新綠都換。東風渾未相催逼。已自雨零

星散。君莫怨。君不見。經時到耳。蜂聲亂。珍叢東畔。算祇有一枝。
七星旛子。猶自向風展。繁華事。回首不堪重算。陳芳國裏公
案。雜花野草。誰移植。曾被滿園都占。君莫歎。君試聽。興亡如說
斜陽燕。休彈淚眼。任落溷。飄茵。都由自取。更倩阿誰管。

高陽臺新正小雨和俞伯敷韻

夢雨催寒。濃烟閣霧。韶光比舊都非。浙瀝空階。一聲聲透重帷。
鏡前看取簷花落。入愁腸。酒力偏微。小迴廊。屐齒殘痕。生了苔
衣。迷濛濕徧郊原路。想酒旗虛颭。悵望輪蹄。嫩約無憑。幾番
辜負佳期。萬紅相對。渾如泣。縱婆婆。生意都稀。儘徘徊。陌上花
開。緩緩人歸。獨絃哀歌

姚華茫父菴猗詞

天香詠石濤貝多樹子鼻煙壺

身樹齊觀。樨禪喻隱。壺天更闢新境。逗鼻霏微。非煙縹緲。意味
手頭先領。炷香熨了。稱把翫蒲團雲冷。家國微塵何着。王孫自
哀誰省。蕉盒萬緣都靜。試餘薰。撚酸偏永。也似楮毫閒趣。畫
兼詩迥。為問西來意旨。視葉葉真經伴清磬。鏤我袈裟。休驚自

影。壺有程松門為石濤刻小象戰國策吾苦夫匠人且以繩墨規矩
刻鏤我智證傳良馬見物輒驚獨見自影不驚知從身所出故

章華縵仙淡月平芳館詞

倦尋芳閨花朝

綰香帶蝶。留粉酣蜂。都恨歡淺。展卻春痕。分與綠楊添線。無限

迷離生草夢。有情遲莫看花眼。燕飛來似盈盈小別。那人重見。

記影事。細桃初放。門向東風。依舊簾捲。漸老韓郎。消得幾回

腸斷。挑菜歸來佳約誤。采蘭人去芳期遠。戀流光莫輕催玉壺

銀箭神似梅溪

南浦春草用玉田韻

持酒正傷春。甚東風吹綠瀛洲清曉。香夢謝池迴。題詩處。還憶
石苔曾掃。穿芳戲水。兩三么鳳桐花小。誰省。長安居。不易獨對
一庭幽草。平原如此。芊芊問盤鷹試馬。何年得了。碧色亂青
袍。臺城路。莫是壽陽人到。天涯浩渺。王孫一去音塵悄。只怕荒
烟斜日後。挑菜俊游都少。

姚鵬圖柳坪柳坪詞

浪淘沙 櫻桃

珊樹近東牆。花影生香。珠簾帶雨卷斜陽。如此風光堪繫馬。何必垂楊。滋味到甜鄉。心在中央。朱籠猶記別時將。當箇玲瓏紅豆子。歸去思量。

柳坪沒日人采。勸其手定待日極。今不知在何所。

皮錫瑞鹿門師伏堂詞

齊天樂 藕絲和映庵

珠盤瀉露難穿線。纖纖弱縷清絕。欲斷還連。將縈又拂。正好納涼時節。佳人手折。趁落日輕風。自調冰雪。玉腕玲瓏。瓊枝相比更瑩潔。璇宮瑤杵未歇。問支機石贈。心向誰結。蠶室春愁。鮫

人夜笑。縱倚并刀難截。相思漫說。有萬種纏綿。莫教輕洩。一點靈犀。恐秋來更熱。

楊增華酌谷

孤鸞 暗劍丞

補天無石。看恨鎖雲紅。愁凝烟碧。咄咄媧皇。苦費千山尋覓。而今更無尋處。只孤鴻悶依斜日。自向空中寫怨。是怎生消得。歎一絲殘夢不堪摘。待帝網重開。天花四出。欲闖三千界。奈此身無翼。算來六塵影子。但有緣總歸荒澀。認取圓圓果海。記維摩如昔。

沁園春 題釋戡握蘭移裁曲圖

誰譜新歌促調繁聲使人不懽。歎桂華飄斷。枯枝顛倒。雲階寂寞。月殿荒寒。樹下逢君。花間斟律。幾度追尋空谷蘭。天如夢。又海風相激。井水都乾。偷閒嚼句珠鞍。記酒後歸來。星未闌。有玉簫金管。銀笙鐵笛。仙姝驚喜。梵衆留連。周郭豪情。湯洪餘韻。今日猶餘三五絃。君何恨。怪數章初定。兩鬢微斑。奇情異采

蒯光典禮卿

青玉案

王孫芳草生無數。漸綠遍長干路。春色匆匆愁裏度。幾番風雨。幾番晴霽。又早遙山暮。青鞋不怕春泥汙。紅藥重教曲闌護。細數落花成獨步。自緣山野。不堪廊廟。不是文章誤。

葉玉森葑漁獻葉盒詞稿

甘州

夜渡太平洋

乘長風夜渡太平洋。狂歌太平謠。聽雷鳴雪吼。挾舟龍健。破浪鯨豪。那管珊瑚礁島。逸氣入雲高。把劍低回看。海若應逃。試問雄飛戰史。有幾家血淚。幾種哀潮。是分明禍水。颶母扇驚颺。待何時波魂濤魄。化中流銅柱壓天驕。樓鐘震。蚤搏桑曉。海日紅燒。

掃花遊

小樓夜聞履聲

小樓一角。正雨過神山。月明如水。紙窗澹媚。儘蘭缸碧黯。轉憐幽意。吠起花厖。偏似桐暈。又起。怎知是有鳳展仙娥。深夜游戲。

低回思往事。自響屨廊空。更無西子冷團絮被。蚤天涯倦旅。
夢魂先碎。只惜聲輕。莫喚寒山睡裏。定無寐。聽銅龍墜。殘清淚。
浣溪紗

一線銀河玉宇秋。儘他千萬客星遊。可憐垂淚只牽牛。說與
嫦娥伴不解。羽衣催舞上瓊樓。廣寒宮曲譜無愁。

大酺眉孫南來某日約遊韜園爲風雨所阻示予此解依韻酬之

又夢雲寒。啼雨濕。幽咽蟲聲花息。春魂方似繭。驀縹成飛絮。滯
人行色。賣杏嬌辰。吹蕢嫩約。依舊燕南鴻北。盈盈秦淮水。儘離
愁漲滿。不成圓折。况小墅尊空。大隄車斷。更無人惜。鷓鴣行
不得。放晴了。還聽芻尼說。賸一半東風未擲。萬紫千紅。且商量

看花時節。乍熟旗亭酒。怕冷却柯亭橫笛。謾顛顛芳華歇。攜手
尋樂。行就莫愁家食。黛湖料君久別。

木蘭花慢清明日薄晴不溫申之夜雨時秀夫醜園次第北上黯然賦此
離緒夢如

秭歸啼不住。寒食了。又清明。蚤杏靨銷紅。梨渦減素。寂寞簾旌。
青春去如逝水。幸眼前猶未綠陰成。潦草六朝夢境。飄蓬二月
江城。流鶯已自牽情。况客裏送人行。便商量花略。安排酒陣。
難破愁兵。黃昏柳絲飛上。看天涯能有幾分晴。偏是一宵苦雨。
做成萬種秋聲。

徐樹錚又錚碧夢庵詞

六醜石田翁西山歸權畫卷

正孤帆半卷。向十里青山吹笛。送春未歸。移舟先送客。客去春
 寂。怕說江南路。路旁絲柳。顛垂垂。千尺山程。水驛牽行色。夢裏
 驚波。瞿塘遠謫。回頭太湖遙隔。剩烟鬟七二。空際凝碧。春歸
 誰惜。恰浮家泛宅。怪底飛紅早。難再覓。疏鐘慢打雲隙。遍孤山
 寺外。夕陽如泣。愁深淺。酒懷寬窄。都分付。一翦吳淞。膩染絹花
 微溼。風飄去。莫問蹤跡。待夜潮暗長。還吹送。衝烟片席。

壽樓春

甲子春集徐凌雲宅當歌對酒樂而忘醉主人出先德棣山公畫冊索題遂填此解

宅當歌對酒樂而忘醉主人出先德棣山公畫

臨江城聞笳。正東風燕子。身是天涯。肯負侵宵清吹。泛甌流霞。
 雲未斂。輕陰遮。悵故園春寒遲花。趁素女凝絃。金槽按板。飛恨
 寄龍沙。宮商換星蟾斜。倚釵鸞瘦笛。蕃馬哀琶。細認秋檐。纖

絹雨沈牆。蝸增怨抑。追芳華。度暗愁江南無家。笑闌角銅丸。風
 流謾誇。腰鼓搗。

憶舊遊

題西山紀游圖為翁克齋作

正疏簾挂午。曲沼通涼。倦客江南。夢遠龍沙。雪帶霜蹄。十萬酒
 褪春衫。故人舊同遊處。青綠滿生縑。問鶯老西湖。雲迷渭水。幽
 恨能添。停驂。送斜照。認碎玉泉流。潭柘精藍。對影空凝睇。料
 禪香。詩鬢輕付。塵淹薊門。幾叢煙樹。飛雨暗花。龕怕細語。天風
 驚回怨鶴。秋睡酣。壯往幽奇神游象外

程頌萬子大定巢詞

唐多令

五月已如秋。蠻天釀客愁。恁瀟瀟雨上簾鉤。夢醒三更聞畫角，知此夕客邊州。別淚漬衾裯。溪泉未洗休。記畫眉人在西樓。腸斷猛峒江上水，偏又是向東流。

滿江紅 輪舶逆風渡洞庭湖用竹垞錢塘觀潮韻

君扇中流似接翅。排成宮闕。才一午。飄輪飛過。楚天如髮。帆脚祇從天外轉。弩頭遠對江湖發。倚闌干吹笛暮雲邊。聲悽越。蛟欲舞。濤轟雪。鴉欲啞。波跳月。網湘妃難出。使人愁絕。海上蓬萊何處所。湖陰戰壘都消歇。有百靈低首拜龍堂。爭持節。

永遇樂

徐州登燕子樓用坡公夢盼盼韻見燕兩韻從夢窗

曲榭蘊雲。亂峯挂雨。羈緒無限。往事闌干。病餘歌拍。那許閒游。

見美人枯淚。斜陽立盡。城外細流都斷。鷺相尋。桐陰鴛鴦。冷霜一宵飛徧。鳳牀塵黯。鸞牋香盡。指印尙迷窗眼。社暖泥銜。尙書冢上。日數歸來燕。白家詩在。蘇家夢好。恁識畫樓恩怨。祇梁畔雙巢倦羽。呢人自嘆。

木蘭花慢

題四峯仙源歸權圖

九州鴉外盡。更何路引人還。指岫碧簪螺。溪紅襯綺。柯爛前灣。秦人儻相見也。笑今番。能幾漢衣冠。雙槳誰賡餘曲。一篙拚走曹瞞。投閑空際煙巒。花煮粥黍爲餐。但斜陽低處。小桃流水。不夠河山。漁郎莫兜權轉。阻谿重無計。斂花關。儻共瞿仙晚寤。半牕月白。鱸丹。

絳都春海上遇夔笙贈詞答和

雲涯恨裏對短鬢夕陽緇塵浮世種柳漢南同賦消魂人無幾
琅玕芝館徑行地怪巢燕銜泥爭墜亂鐘催客虬壺賺取兩襟
冰淚英氣年時酒袂倚危檻幾度問天還醉古鏡貯愁側管
吟商烏闌字蠡舟春黯湖陰睡等拋卻人天閒事奈他草閣江
深亂蛙又起

子大少日填詞與易五抗手而無其荒
率此選多晚年作所謂文章老更成也

朱祖謀古微彊邨語業

長亭怨慢葦灣重到紅香頓稀和半塘老人
儘消盡涉江情緒風露年年國西門路紺海涼雲昨宵飛浣石

亭暑亂蟬高柳淒咽斷蕢洲譜莫唱惜紅衣算一例飄零如雨
遲暮隔微波不恨恨別舊家鷗侶青墩夢斷枉贏得去留無
據試巡徧往日闌干總無著鴛鴦眠處賸翠蓋亭亭消受斜陽
如許

鶯啼序龍樹寺餞別高理臣府丞張次珊參議用夢窗豐樂樓韻

輕陰傍樓易暝帶春雲步綺畫闌繞凍柳初黃暗結沈恨天際
細禽喚年光冉冉荒波盪晚疑無霽帶離人腸斷斜陽絮點飄
墜十載東華對酒念往信孤根自倚鏡中路窺熟西池楚吟
流怨紅翠賦深情蘭荃繡筆淚花迸銅仙鉛水慣傷春蝶悄鶯
沈夢醒何世劉郎老去咫尺蓬山倦數舊游美天外緊東風

一信絳綵顛倒。縹緲鶉聲。誤人歸事。銀河夜挽。珠宮晨叩。香牋
飛出。迴鸞篆。悄冥冥。海闊星垂地。情絲怨極。長宵霧閣。雲窗頓
拋亂紅。縷緯。橫汾舊曲。采石新吟。料畫輪正遲。怕點檢。鑪薰
花外。笛譜梅邊。酒醒觚稜。鳳城十二。東門帳。飲西臺。車馬江湖
頭。白。回。望。處。惜芳菲。須掩傷高袂。白鷗去矣。難馴。燕幕孤樓。蕩
魂萬里。

玉樓春分和小山韻同半塘伯崇

目成。已是斜陽暮。誰分合。懽花下住。心知明月有。圓時身似斷
雲無定路。當時不合多情遇。風卷紅英隨水去。莫歎單枕故
相尋。夢裏已無攜手處。

少年不作消春計。孤負酒旗歌板地。好天良夜杜鵑啼。今日逢
春須著意。斜陽煙柳迴腸事。小雨闌花千點淚。等閒尋到眼
前來。欲避春愁。除是醉。

聲聲慢辛丑十一月十九日味聃賦落葉詞見示感和

鳴蜩頽城。吹蝶空枝。飄蓬人意相憐。一片離魂。斜陽搖夢成煙。
香溝舊題紅處。拚禁花憔悴。年年寒信急。又神宮淒奏。分付哀
蟬。終古巢鸞無分。正飛霜金井。拋斷纏絲。起舞迴風。纔知恩
怨無端。天陰洞庭波闊。夜沈沈。流恨湘絃。搖落事。向空山休問

杜鵑

燭影搖紅晚春過黃公度人境廬話舊

春暝鈎簾。柳條西北輕雲蔽。博勞千疇不成晴。煙約游絲墜。狼藉繁櫻剗地。傍樓陰東風又起。千紅沈損。鶉鴉聲中。殘陽誰繫。容易消凝。楚蘭多少傷心事。等閒尋到酒邊來。滴滴滄洲淚。袖手危闌獨倚。翠蓬翻冥冥海氣。魚龍風惡。半折芳馨。愁心難寄。

摸魚子 梅州送春時得輦下故人三月幾望書

近黃昏。悄無風雨。蠻春安穩歸了。恁恁染柳熏桃過。贏得錦牋悽調。休重惱。問百五韶光。醞造愁多少。新顰舊笑。有拆繡池臺。迷林鶯燕。裝綴半殘稿。流波語。飄送紅英最好。西園沈恨先掃。天涯別有憑闌意。除是杜鵑能道。歸太早。何不待倚簾人共

東風老。消凝滿抱。恁秉燭呼尊。綠成陰矣。誰與玉山倒。

浣溪沙

翠阜紅厓夾岸迎。阻風滋味暫時生。水窗官燭淚縱橫。禪悅新耽如有會。酒悲突起總無名。長川孤月向誰明。

金縷曲 書感寄王病山秦晦鳴

斗柄危樓揭。望中原盤雕沒處。青山一髮。連海西風掀塵黯。卷入關榆悴葉。尙遮定浮雲明滅。烽火十三屏前路。照巫閭。知是誰家月。遼鶴語正嗚咽。微聞殿角春雷發。總難醒十洲濃夢。桑田坐閱。銜石冤禽寒不起。滿眼秋鯨鱗甲。莫道是昆池初劫。負壑藏舟尋常事。怕蒼黃柱觸共工折。天外倚劍花裂。

夜飛鵲 香港秋眺懷公度

滄波放愁地。游棹輕迴。風葉亂點行杯。驚秋客枕酒醒後。登臨
塵眼重開。蠻煙蕩無霽。颭天香。花木海氣樓臺。冰夷漫舞喚癡
龍。直視蓬萊。多少紅桑如拱。籌筆問何年。真割珠厓。不信秋
江睡穩。掣鯨身手。終古徘徊。大旗落日。照千山劫墨成灰。又西
風鶴唳。驚笳夜引。百折濤來。

洞仙歌 丁未九日

無名秋病。已三年止酒。但買萸囊作重九。亦知非吾土。強約登
樓閒坐。到淡淡斜陽時候。浮雲千萬態。迴指長安。卻是江湖
釣竿手。衰鬢側西風。故國霜多。怕明日。黃花開瘦。問暢好秋光

落誰家有。獨客徘徊。憑高雙袖。

先生以此詞為平生之冠且云
集中似此者少

瑞龍吟 和夢窗韻

市橋面。還是臥柳吹絲。去波明練。芳塵簾閣。悵悵黃昏。細雨游
絲自轉。漏催箭。容易曼歌消酒。舊襟須澣。烏衣也怯殘寒。謝
堂夢醒。春陰絮晚。拋盡芳華前事。過江人老。行雲天遠。鷓鴣
未休。衰蘭歧路零亂。薦紅病綠。今夕愁無岸。不辭到西窗。燭燼
南鄰鐘斷。坐閱狂香卷。誤人睡裏。清歌漸散。懽緒東風懶。空付
與吳孀。哀箏彈怨。後期最惜。橫塘帆片。

金縷曲

井上新桐植七年矣。周無覺撫之而歎曰。此手種前朝樹也。斯語
極可念。拈以發端。

手種前朝樹。帶虛廊。斜陽一角。閱人無語。乞向西鄰斤斧底。曾

共籜龍赦取。看玉立亭苔如許。今日離披銀牀畔。問孤根肯傍
龍門否。一葉葉戰風雨。蟪蛄三兩啼相訴。說年來紅樓翠慘
好秋誰主。剗地霜蕪連天白。棲鳳長迷處所。算乾淨。猶餘吾土
眠坐清陰。渾閒事。要歲寒根幹牢培護。盟此意。醅清醕。

洞仙歌 過玉泉山

殘衫賸幘。悄不成游計。滿馬西風背城起。念滄江一臥。白髮重
來。渾未信。禾黍離離如此。玉樓天半影。非霧非煙。消盡西山
舊眉翠。何必更繁霜。三兩棲鴉。衰柳外斜陽餘幾。還肯爲愁人
住些時。只嗚咽。昆池石鱗荒水。

齊天樂 乙丑九日陳庸庵招集江樓

年年消受新亭泪。江山太無才思。戍火空邨。軍笳壞堞。多難登
臨何地。霜颿四起。帶驚雁。聲聲半含兵氣。老慣悲秋。一尊相屬
總無味。登樓誰分信美。未歸湖海客。離合能幾。明日黃花。清
晨白髮。飄渺滄波人事。茱萸舊賜。望西北浮雲。夢迷醒醉。並影
危闌。不辭輕命倚。

高陽臺 除夕聞生宅守歲

藥裏關心。梅枝熨眼。年光催換天涯。綵勝迷離。忘情紅入燈花。
常時風雨聯床地。付冷吟閒醉消他。更休提。束帶鳴雞。列炬飛
鴉。驚心七十明朝是。甚兩頭老屋。舊約長賒。醉倚屠蘇。甯知
肝肺槎枒。干戈滿目。悲生事。對阿連。休話無家。卻因依。北斗闌

二
早朝

千凝望京華。

鷓鴣天廣元裕之宮體

八首錄四

生小仙娥不自妍。璧臺金屋誤嬋娟。幾曾宛轉酬千琲。已忍伶
傳過十年。蚪箭水鵲爐烟。無端芳會散金錢。簾櫳早是愁時
候。爭遣新寒到外邊。

聞道嬋媛北渚游。東風連苑冷於秋。無多裝綴花宮體。禁斷排
當鞠部頭。歡易散。夢難留。女牀鸞樹向人愁。紅蠶憔悴同功
繭。縹盡春絲未放休。

未必芳期未有期。等閒蜂蝶劇嬌癡。側商小令翻新水。卷地狂
香發故枝。風雨裏。苦禁持。有人低唱比紅兒。纔知滿樹金鈴

繫。未省秋人落葉悲。

歷劫相思信不磨。親將雙帶綰香羅。未灰蠟苜拚成泪。垂絕鷓
絃。忍罷歌。休躑躅。已蹉跎。珊鞭拗折負恩多。人間會有相逢
事。奈此青春悵望何。

彊邨翁詞集清季詞學之大成。公論翕然。無待揚榘。余意詞之境界。前此
已開拓殆盡。今茲欲求于聲家。特開領域。非別尋塗徑不可。故彊邨翁或
且為詞學之一大結穴。開來啓後。應有繼起而負其責者。此今日論
文學者所宜知也。至所作之兼備衆長。不俟再論。茲錄僅當嘗鬱爾。

周慶雲夢坡夢坡詞存

燭影搖紅唐花

落盡天花舊時箋。奏通明誤。是誰空界造華鬢。烘託春無數。新
築瑤臺葢府。裊爐烟天姿自許。幾重香簪。一片孤根。漫言溫樹。

歌舞深宮。洛陽輕貶飛塵去。等閑商略到熏修。翻把紅粧妬。誰省芳期易阻。警東風垂鐙疊鼓。水仙清麗。肯受斜封。和伊同貯。

瑞鶴仙 西溪秋雪菴側附建詞人祠堂憚瘦蘭賦詞落之即用原韻

招提緣未了。但獨客徘徊。斷垣荒草。山園破烟曉。儘扁舟容與。勝枝聲悄。溪流映縞。記當日精藍地好。甚恩恩換却。滄桑陳迹。十年催老。香渺。湧樓彈指。與客攜壺。幾回舒嘯。千絲織到。珊瑚網不須釣。趁寒泉初薦。仙蹤猶在。漫說塵心竟杳。祇天涯身世飄蓬。聽歌易惱。

鷓鴣天 和彊村香嚴宮體

檢點羅衣認酒痕。靈蕤祕帙記難真。紅心草短成長恨。藍尾花殘惜好春。蓮作寸。麝成塵。玉樓歌舞易黃昏。愁根只是生來種。纔畫雙蛾又學顰。

曾幾歡場醉玉鍾。一春心事夢魂中。接天香葉無窮碧。映日宮花別樣紅。妝閣外。桂堂東。蓬萊從此隔東風。回鞭笑指長亭路。又聽花陰度玉驄。

夢坡建兩浙詞人祠堂于西溪復編兩浙詞人小傳。潯溪詞徵。沈瀟流傳用意良美所作亦清拔殊俗。

潘飛聲蘭史說劍堂詞

清平樂 月夜坐梧桐庭院中秋影滿簾花陰如夢黯然賦此不自知其銷魂也

一庭香霧。卷入紅簾去。檀板玉簫無意緒。閒殺秋宵如許。碧

梧影落沉沉。冷螢飛照秋心。欲向曲闌微步。愁他滿地花陰。

掃花遊

葉南雪戶部師招同諸詞人集越華講院觀師手摹陳其年先生填詞圖即席譜此

玉梅勸酒愛墜粉池臺。暗香飛滿。翠簾乍捲。繼西園韻事。石林

清宴。畫幃書牀。要與詞仙共款。錦波軟襯一角夕陽。紅上蕉院。

湖海人未遠。認拂拂霜髯。笑拈銀管。綠么細按。怕歌起豔情。

紫雲偷怨。倩影傳神。妙筆重摹粉絹。舊題徧。付尊前鈿簫吹緩。

雙雙燕

昔在菊坡精舍聽陳蘭甫先生話羅浮之游云僅得羅浮睡了四字久之未成詞也壬寅三月余游羅浮至東江泊舟望四百峯橫

互烟月中覺陳先生此四字神妙如繪故於游記中紀其事後黃公度成詞一首見寄猿驚鶴舉惜不能起陳先生相誦也寒夜無眠獨起步月如

置身五龍潭上玉女峯邊忽憶公度原韻意有所悟擬和成稿蓋距公度寄示時又易一寒暑矣

羅浮睡了。看上界沈沈。萬峯未醒。喚起霜娥。照得山河盡冷。白

遍梅田千井。見玉女青青兩鬢。恰當天上呼船。倒臥飛雲絕頂。

仙洞有人賦隱。羨胡蝶雙棲。翠屏安穩。煙局擬叩。還隔花深

松暝。誰揭瑤臺明鏡。應畫我高寒瘦影。指他東海風輪。未隔蓬

萊塵境

與會懸舉雅近東坡

潘承謀省安瘦葉詞

虞美人南歸舟中

四垂天影圓如笠。萬頃波平碧。幾曾淘盡古今愁。淘盡英雄只

是水東流。風梭細織鞞紋卷。寸寸柔腸轉。橫空無際雁行高。

彈入箏雲隨夢逐江潮。

吳曾源伯淵池上吟館詞草

伯淵亦名并肩軒長短句佳構至多遜古為未見也

洞仙歌 依蘇東坡體

擬坡仙賦蜀主孟昶與花蕊夫人摩訶池納涼事

風清月白正荷花涼處。洗盡塵埃淡無暑。步瑤階隔水羅襪生寒。良夜永重把歡悰暗訴。此時閒坐好。河漢聲流。明月朦朧自來去。漏箭下沈沈。簟枕微涼。雲鬟亂濕籠香霧。問碧海雙星幾生修。怕謫向人間。又經風露。

成本璞權漁淚影詞

三姝媚

春夜方半沈吟不寐起步花陰之下明河在天疏星照水淡煙橫空斜月欲沒微雨俄至寒生衣袂吊影徘徊不謂人世根觸舊事

或涕絕久倚闌曼詠遂爾達曙譜此紀之

月和花影轉。正珠箔燈搖。綠窗簾卷。日日思君。換一番風景。一襟幽怨。蝶怯蜂慵。暗縈損故園心眼。疏雨斜煙。河漢無塵。露痕

疑。道是愁根難翦。有萬縷愁絲。柳枝低縮。蹴損殘紅。憶那人何處。夢中重見。夢未分明。又卻被玉簫吹斷。海上三山不比天涯人遠。

高旭劍公天梅遺集

蝶戀花 芳華滿眼而舊時雙燕遲遲未來書以訊之

多謝好風傳一語。覓到烏衣。定在斜陽處。縱使天涯拋別緒。也應憐我無儔侶。祇怕海東波浪阻。捲上珠簾。終日勞延佇。風景南朝留幾許。主人情重難忘汝。

桃源憶故人 和無悶韻即答

斜陽影裏傷心賦。默對癡天無語。淚溼暮雲春樹。重認分攜處。

東風無賴添愁緒。零落亂紅難數。落時猶自爭飛舞。青鳥休
去。如怨如慕。

周維華公阜熙春詞璩琬詞

金明池

葉暗藏鴉。風高咽燕。小閣輕寒無暑。凝望眼。關河幾曲。但千里
雲遮驛樹。看苔痕。綠上牆腰。更杜宇。聲聲何如歸去。道俊侶羈
違吟。賤冷落。作癩傷離情緒。半卷疏簾收殘雨。有高柳。窺人
舊家眉嫵。憑辜負。春來寂寞。空悵望。綠深門戶。念文園。病客淒
涼。便九陌芳塵。鈿車輕誤。到向晚。憑闌。西山一角。祇在斜陽深
處。

巖復又陵

摸魚兒

傍樓陰。溼雲凝重。黃昏蟲語淒絮。秋魂僂僂驚寒早。誰念鈴螿
羈旅。從頭數。問陌上相逢。可料愁如許。今休再誤。早打疊心苗。
銷凝意蕊。忍與此終古。茂林病。捱得更更寒雨。此情依舊無
主。微生別有無窮意。錯認曉珠堪語。君莫怒。便舞鳳迴鸞。詎就
輕輕譜。移商換羽。算海嘯天風。成連歸矣。霜淚凍絃柱。詞宗詠懷

金縷曲

旅邸情難遣。况秋宵。征鴻淒厲。寒衾孤展。覓地埋憂高飛去。那
借步。虛風便。雲窗外。嫠蟾斜眄。解佩江皋。魂先與。迓多情他日

誰家輦。思不得。淚空泫。長門可是無團扇。更何人。惜蘭腕。蕙
白頭仙眷。填海精禽千萬翼。試測蓬萊深淺。又不是。等閒鶯燕。
詠絮才高尋常事。抱孤懷。要把風輪轉。春且住。勒花片。
胸襟甚太氣倍詞前
解連環。已酉燈節呈彊邨用夢窗韻

綰同心結。正春舒柳眼。嫩條柔極。料庾信愁滿江關。更吳雨瀟
瀟。落梅風色。社酒猶賒。燕泥冷。鬱金堂北。問巢痕。東閣。繖影西
清。可堪重憶。試燈故情未擲。為東風作主。商量紅白。怕玄都
去後桃花。又瀟露泛霞。自驕紺碧。玉宇孤蟾。瞰來去。滄溟潮汐。
且尋伊。玉龍怨調。倚聲擲得。

董受祺綬紫吮雪詞鑄鐵詞碧雲詞

水龍吟 楊花用東坡韻

一天雲影漫漫。無端又自和烟墜。河山萬里。何堪贏得。一襟去
思。是處園亭。更無人到。任他深閉。祇憐伊慣惹。離懷別恨。深閨
靜人慵起。偏覺沾泥容易。况因風卻難勻綴。謝娘身世。杜娘
心緒。都歸萍碎。拚卻閒愁。半消春雨。半消春水。怕閒愁易了。生
生。又惹起相思淚。

臺城路 賦杜宇

一聲驚覺遼東夢。恩恩又催春去。淚灑殘紅。枝移冷碧。消盡樓
臺鐘鼓。韶華幾許。惜滿目江山。都無著處。縱有春思。已非當日
冶遊侶。棲香猶指舊樹。杜郎重到了。腸斷愁賦。寶鏡生塵。冰

原石不叶

絃改柱。此後餘情誰訴。哀音最苦。悵望帝幽魂。無端寄與。見說銅駝。尙眠芳草路。

王乃徵聘三

八聲甘州秋感和歸安宗伯用屯田韻

盪愁襟付酒黯。西風蕭蕭。又逢秋。最天低衰草。雲黃遠磧。笛怨高樓。柳悴吟蟬競響。夕照不曾休。霜菊寒無語。依媚泉流。甚事天涯羈旅。慣逝波易縱。逆棹難收。覩歸鴻寥闊。殘映幾星留。遡回風。蘭摧芷變。慨夜行何地。卜藏舟。殘春夢。再凝思處。淚染醒眸。

張錫麟務洪樂園詞稿

解連環和玉田孤雁韻

趁程秋晚。甚長天暮雨。被風吹散。記幾日翅接箏絃。向湘浦陣橫塞垣行遠。有字書空。怎灑得墨痕千點。怕寒塘夜照。依然子影。誤迷心眼。低依斷雲荏苒。奈飛鳴莫應。只添清怨。念舊侶同怯驚弦。更誰惜追尋。嘯儔迴轉。月冷關河。好近在海南重見。却還愁獨下蘆田。稻紅浪捲。

陳毅彞仲譽謚詞

金明池秋草

秋燒無痕。春遊有跡。但惜王孫已去。還說甚歸程太遠。更三里兩里。閒阻莽天涯。徧覓芳蹤。竟未見千里青青如故。墮幾點流

螢低徊根際。照見荒原無主。了卻江南煙和雨。只一寸紅心。
 疾風留住。休惆悵青袍寂寞。應懊惱碧裙遲暮。料明年繡陌春
 回。便似禱如茵。香輪憐汝。奈此景荒寒。秋陰接地。怎得將愁交
 付。

解連環 秋鷺

素翎孤潔。兼遙天暮碧。襯伊明滅。便望裏如許。蒹葭料涼露滿
 江。靜眠高絕。恁好丰標。算贏了一秋風月。把前身舊約。付與鏡
 湖。幾度飛越。娟娟細沙淨澈。奈窺魚竟日。驚見霜髮。但覺垂
 白絲絲。裊空際煙波。澹影飄瞥。轉入風灘。又帶起蘆花如雪。待
 何時更序故羣。玉去霄再列。

自況
之詞

脫字

聖